

禮

記

訓

纂

禮記訓纂卷六

月令第六

正義鄭目錄云名日月令者以其記十二月政之所行也本呂氏春秋十二月紀之首章

也以禮家好事抄合之後人因題之名曰禮記言周公所作其中官名時事多不合周法此於別錄屬周堂陰陽記此卷所出解者不同今且申鄭旨之案呂不韋集諸儒士著爲十二月紀合十餘萬言名爲呂氏春秋篇首皆有月令與此文同一證也周無大尉秦官有大尉而此月令云乃命大尉官名不合周法二證也秦以十月建亥爲歲首而月令云爲來歲授朔日卽是九月爲歲終十月爲授朔此是時不合周法三證也又周有六冕月令服飾車旗並依時色此是事不合周法四證也案秦歲首用十月時不韋已死十五年又秦并天下何得云諸侯而鄭必謂不韋作者不韋亦採擇善言遵立舊章但秦自不能依行也凡二十八宿及諸星皆循

天左行一日一夜一周天一周天之外更行一度計一年三百六十五周天四百度之一日五星期者行日一日一度月一日一十三度十九分度之七此相通之數也二十七日月行一周天至二十九日強半月及於日與日相會乃爲一月故考靈耀云九百四十分爲一日二十九日與四百九十九分爲月是一月二十九日之外至第三十分分至四百九十九分月及於日計九百四十分則四百七十爲半今四百九十九分是過半二十九分也但月是陰精日爲陽精故周髀云日猶火月猶水火則外光水則含景故月光生於日所照魄生於日所蔽當日則光盈就日則明盡京房云月與星辰陰者也有形無光日照之乃有光先師以爲日似彈丸月似鏡體或以爲月亦似彈丸日照處則明不照處則闇

孟春之月日在營室昏參中旦尾中

注孟長也日月之行一歲十二會聖王因

其會而分之以爲大數焉觀斗所建命其四時此云孟春者日月會於蠓訾而斗建寅之辰也凡記昏明中星者爲

人君南面而聽天下視時候以授民事正義孟春者夏正
建寅之月也秦以十月爲歲首不用秦正而用夏時者以
夏數得天正故用之也周禮雖以建子爲正其祭祀出獄
亦用夏正也日行遲一月行二十九度半餘月行疾一月
行大一而三百六十五度四分度之一過而更行二十九
度半餘逐及於日而與日會所會之處爲辰鄭注周禮大
師職云十一月辰在星紀十二月辰在元枵正月辰在嫫
訾二月辰在降婁三月辰在大梁四月辰在實沈五月辰
在鶉首六月辰在鶉火七月辰在鶉尾八月辰在壽星九
月辰在大火十月辰在析木是一歲十二會也高誘呂氏
春秋注營室北方宿淮南子時則訓注曰參西方白虎之
宿也是月昏時中於南方尾東方蒼龍之宿也是月將回
時中於南方

其日甲乙

注乙之言輒也日之行春東從青道發生萬物
月爲之佐時萬物皆解孚甲自抽輒而出因以

爲日名焉乙不爲月名者君統臣功也說文甲東方之孟
陽氣萌動从木戴孚甲之象一曰人頭宜爲甲甲象人頭

二

乙象春草木冤曲而出陰氣尙彊其出乙乙也與乙同意
乙承甲象人頸蔡氏章句大機探五行之情占斗綱所建
於星始作甲乙以名日謂之幹作子丑以名日謂之枝
幹相配以成六旬正義星辰之次謂之黃道春時星辰西
游黃道近西黃道之東謂之青道日體行當青道之上月
亦從青道陰佐於陽知月亦從青道者以緯云月行九道
并與日同而青道二黃道東赤道二黃道南白其帝大暉
道二黃道西黑道二黃道北并黃道爲九道也

其神句

注此倉精之君木官之臣自古以來著德立功
者也大暉宓戲氏句其神句少暉氏之子曰重爲木

官正義蔡邕云法象莫大乎天地變通莫大乎四時縣象
著明莫大乎日月故先建春以奉天奉天然後立帝立帝
然後言佐然後列昆蟲之別物有形可見然後音聲
可聞故陳音有音然後清濁可聽故言鐘律均聲可以章
故陳陳音之屬也羣品以著五行爲用於大然後宗而祀
之故陳五祀案異義古尙書說元氣廣大謂之暉天則暉
暉廣大之意以伏犧德能同天故稱暉以東方生養元氣
盛大西方收斂元氣便小故東方之帝謂之大暉西方之

帝謂之少皞句也者主木之官木初生之時句屈而有

可故云句也大皞在前句也其在後相去縣遠非是一時大

皞木王句也其有主木其蟲鱗注象物字甲將其音角注謂

之功故取以相配也其鱗鱗解鱗龍蛇之屬其音角樂器

之聲也三分羽益一以生角角數六十四屬木者以其清

濁中民象也春气和則角聲調樂記曰角亂則憂其民怨

凡聲尊卑取象五行數多者濁數少者清大不過宮細不

過羽正義律歷志云或損或益以定宮商角徵羽宮三分

去一下生徵徵數五十四徵三分益一上生商商數七十

二商三分去一下生羽羽數四十八羽三分益一上生角

角數六十四是其律中大簇注律候氣之管以銅爲之中

損益相生之數也律中大簇猶應也孟春氣至則大簇之

律應應謂吹灰也大簇者林鍾之所生三分益一律長八

寸凡律空圍九分周語曰大簇所以金奏贊陽出滯蔡氏

章句云律率也聲之管也中應也大簇鍾名上古本陰陽

別風聲審清濁不可以文載口傳也故鑄金作鍾以正土

二月之聲然後以効升降之氣而鍾不可用乃截竹爲管

口律爲清濁之率也正月之律與大簇相中也言出於鍾

乃置深室葭苧爲灰以實其端其月氣既至則灰飛管通
古以鍾律齊其聲後人不能則數以正其度度正則音亦
正矣正義案律歷志云大族族濤也言陽氣大濤地而達
物也位於寅在正月其十二律則有上生下生同位異位
長短分寸之別故鄭注周禮大師職云其相生則以陰陽
六體爲黃鐘初九也下生林鐘之初六林鐘又上生大族
之九二大族又下生南呂之六二南呂又上生姑洗之九
三姑洗又下生應鐘之六三應鐘又上生蕤賓之九四蕤
賓又上生大呂之六四大呂又下生夷則之九五夷則又
上生夾鐘之六五夾鐘又下生無射之上九無射又上生
中呂之上六同位者象夫妻異位者象子母所謂律取妻
而呂生子也高誘呂氏春秋注曰太陰氣衰少陽氣發萬
物動生族地而其數八注數者五行佐天地生物成物之
出故曰太族次也易曰天一地二天三地四天
五地六天七地八天九地十而五行自水始火次之木次
之金次之土爲後木生數三成數八但言八者舉其成數
正義水數一或數六火數二成數七木數三成數八金數
四成數九土數五成數十但言八者金木水火以成數爲

功皇氏用先儒之義以爲金木水火得土而成以水數一

得土數五故六火數二得土數五爲成數七木數三得土

數五爲成數八又金數四得土數五爲成數九其味酸其臭羶

注木之臭味也凡酸羶者皆屬焉正

通於鼻者謂之臭在口者謂之味臭則氣也所以木味

酸者尙書孔傳云木實之性然則木實酸凡草木所生其

氣羶也夏其味苦其臭焦者尙書孔傳云焦之氣味火燒

物焦焦則味苦中央云其味甘其臭香孔傳云甘味生於

百穀味甘則氣香秋其味辛其臭腥者孔傳云金之氣味

言金臭之氣則腥在口則辛冬云其味鹹其臭朽者孔傳

云水鹵所生故味鹹又水其祀戶祭先脾注春陽氣出祀

受惡穢故有朽腐之氣之於戶內陽也

祀之先祭脾者春爲陽中於藏直脾脾爲尊几祭五祀於

廟用特牲有主有尸皆先設席于與祀戶之禮南面設主

于戶內之西乃制脾及腎爲俎奠于主北又設盛于俎西

祭黍稷祭肉祭醴皆三祭肉脾一腎再既祭徹之更陳鼎

俎設饌于筵前迎尸略如祭宗廟之儀白虎通曰戶者人所出入亦春萬物始觸戶而出也正義戶在內從外向內

戶又在內故曰內陽也秋其祀門者門在外從內向外門
又在外故云外陰也所以春位當脾者牲位南首肺最在
前而當夏也腎最在後而當冬也從冬稍前而當春從腎
稍前而當脾故春位當脾從肺稍卻而當心故中央主心
從心稍卻而當肝故秋位主肝此等直據牲之五藏而當
春夏秋冬之位耳王氏引之曰如鄭說以藏之上下爲次
則肺最在上心次之脾又次之經何以不言春祭先肺夏
祭先心中央祭先脾乎如謂牲位南首肺最在前而當夏
腎最在後而當冬則脾未嘗在左而當春肝未嘗在右而
當秋何以春祭先脾而秋祭先肝乎從腎稍前而當脾亦
未嘗不當肝何以春祭不先肝從心稍卻而當肝亦未嘗
不當脾何以秋祭不先脾乎反復求之鄭義未允當以許
氏五經異義之說爲長異義曰今文尙書歐陽說肝木也
心火也脾土也肺金也腎水也古文尙書說脾木也肺火
也心土也肝金也腎水也許慎案月令春祭脾夏祭脾季
夏祭心秋祭肝冬祭腎與古文尙書同蓋自古以五行說
五藏者惟腎爲水藏無異詞而脾肺心肝則皆有兩說而
月令之五藏則非古文尙書之說不足以釋之脾木藏故

春祭先之肺火藏故夏祭先之心土藏故中央祭先之肝
金藏故秋祭先之腎水藏故冬祭先之也說文腎水藏也
脾火藏也脾木藏也肝金藏也蓋依洪範五行一水二火
三木四金之序古文尙書之說也又曰心人心土藏也博
士說以爲火藏則古文尙書以心爲土藏今文尙書博士
以爲火藏也高注淮南精神篇曰肺象朱雀朱雀火也火
外景故上曰也肝金也金內景故主耳也鄭注天官疾醫
曰肺氣熱心氣次之肝氣涼脾氣溫腎氣寒蓋肺火藏故
氣熱心土藏土者火之所生故次之肝金藏故氣涼脾木
藏故氣溫腎水藏故氣寒也許高鄭三家之說皆本於古
文尙書而古文尙書之說又本於月令也大元數篇三八
爲木爲春藏脾四九爲金爲秋藏肝二七爲火爲夏藏肺
一六爲水爲冬藏腎五五爲土爲中央藏心亦本於月令
也然則月令脾肺心肝腎之屬於木火土金水也明甚○
參所林反大音泰後皆同啤亦作昊胡老反句古侯反
世音世律中丁仲反族七豆反羶失然反脾婢支反

東風解凍蟄蟲始振魚上冰獺祭魚鴻鴈來

注皆記時候也振動也夏

小正正月啟蟄魚陟負冰漢始亦以驚蟄爲正月中此時
魚肥美獺將食之先以祭也鴈自南方來將北反其居今
月令鴻皆爲候淮南時訓作始振蘇魚上負冰說文類
如小狗也水居食魚正義此記正月之時候然十二月之
時候體例不一其二至二分之月皆再記於時候者以二
至是陰陽之始終二分是陰陽之交會凡時候先言者氣
候在前後言者氣候在後言蟄蟲始振者正月中氣之時
蟄蟲得陽氣初始振動至二月乃大驚而出故云始振魚
當盛寒之時伏於水下逐其溫煖至正月陽氣既上魚游
於水上近於冰故云魚上冰也李氏惇曰正義曰今月令
者呂氏春秋是也謹案百工咸理監工日號毋悖于時鄭
云今月令無于時而呂氏春秋有于時字母或作爲淫巧
以蕩上心鄭云今月令作爲詐僞呂氏春秋仍作作爲
然則孔說非也考漢有明堂月令鄭注於淫雨蚤降下云
今月令曰衆雨說文霽字注引明堂月令曰霽雨命漁師
伐蛟下注云今月令漁師曰榜人說文舩字下引明堂月
令曰舩人舩榜音相近固封疆下注云今月令疆或爲疆
蔡邕獨斷引月令曰固封疆然則鄭注所謂今月令卽明

堂月令非呂氏春秋也蔡邕有明堂
月令章句○蟄直立反獺他達反

天子居青陽左个乘鸞路駕倉龍載青旂衣青衣服倉玉

食麥與羊其器疏以達

注皆所以順時氣也青陽左个大
寢東堂北偏鸞路有虞氏之車有

鸞和之節而飾之以青取其名耳春言鸞冬夏言色互文
馬八尺以上爲籠凡所服玉謂冠飾及所佩者之衡璜也
麥寶有孚甲屬木羊火畜也時尙寒食之以安性也器疏
者刻鏤之象物當貫土而出也凡此車馬衣服皆所取於
殷時而有變焉非周制也周禮朝祀戎獵車服各以其事
不以四時爲異又玉藻曰天子龍衮以祭元端而朝日皮
弁以日視朝與此皆殊高注時則訓曰麥金穀也羊土畜
也是月金土以老食所勝先食麥以麥爲主也說文青東
方色也木生火从生丹丹青之信言必然盧注有鈴曰旂
正義春言鸞則夏秋冬並鸞也夏云朱冬云元則春青秋
白可知案韓詩外傳云佩玉上有葱衡下有雙璜牙纒珠
以納其間金氏榜曰月令之明堂乃王居聽政之明堂卽

路寢路寢者大寢也鄭君以大寢東堂大寢南堂大寢西堂大寢北堂釋之周官經大史閏月詔王居門終月鄭君注門爲路寢門又援鄭司農云月令十二月分在青陽明堂總章元堂左右之位惟閏月無所居居于門故于文王在門謂之閏先後鄭皆知月令所舉曰大室曰大廟曰左右个者爲路寢蓋順時布令日所有事於其地終月而遷焉歲徧考工記周人明堂度九尺之筵東西九筵南北七筵五室凡室二筵大戴記盛德篇綴明堂數說於末曰此天子之路寢也不齊不居其室待朝在南宮揖朝出其南門凡月朔先朝日而後聽朔故玉藻曰元端而朝日于東門之外聽朔于南門之外閏月則闔門左扉立于其中皮弁以日視朝天子聽朔視朝同地記于視朝不言地蒙上南門之外省文王氏引之曰下文赤舄黃駟白駘鐵驪下字皆馬色名倉龍不應獨異龍當讀爲駘說卦傳震爲龍虞翻龍作駘云駘蒼色震東方故爲駘○

是月也以立春先立春三日大史謁之天子曰某日立春

盛德在木天子乃齊

注大史禮官之屬掌正歲年以序事謁告也

立春之日天

子親帥三公九卿諸侯大夫以迎春於東郊還反

王氏念孫曰釋

文出還乃二字云音旋後放此正義曰孟夏云還乃行賞

封諸侯孟秋云還乃賞軍帥武人於朝孟冬云還乃賞死

事卹孤寡據此則四時皆作還乃明矣呂覽淮南時則訓

並作還乃後漢書郎顛傳注引月令迎春於東郊還乃賞

公卿諸侯賞公卿諸侯大夫於朝注王居明堂禮曰出十

大夫於朝注五里迎春蓋殷禮也周

近郊五十里賞謂有功德者有以顯賜之也朝大寢門外

蔡邕章句曰迎春者禮昊天句芒之神也于東郊就其外

位也邕外爲郊去邑八里內因木數也周禮建國之神位

兆五帝於四郊以蒼珪禮東方以赤璋禮南方以白虎禮

西方以元璜禮北方皆有牲幣各放其方之色樂奏大簇

歌青陽冕執干戚舞雲翹育命所以尊收時和也正義周

法四時迎氣皆前期十日而齋今秦法簡省蓋散齋二日

致齋一日天以覆蓋生民爲德天之生育盛德在於木位

四時所賞不同者庾云順時氣也春陽氣始著仁澤之時故順其時而賞朝臣及諸侯也至夏陽氣尤盛萬物增長故慶賜轉廣秋陰氣始著嚴凝之時故從其時而賞軍帥及武人也至冬陰氣尤盛萬物衰殺故賞死事者及其妻子也案賈馬蔡邕皆爲迎春祭大皞及句芒以上云其帝大皞其神句芒故也○先悉薦反齊側皆反卷內放此還音旋後放此

命相布德和令行慶施惠下及兆民慶賜遂行毋有不當

注相謂三公相王之事也德謂善教也令謂時禁也慶謂休其善也惠謂恤其不足也天子曰兆民遂猶達也言使當得者皆得者無非其人王氏引之曰和令之和當讀爲宣謂布其德教宣其禁令也古聲宣與和近故宣字通作和○相息亮反

乃命大史守典奉法司天日月星辰之行宿離不貸

王氏引之

釋文貸吐得反徐音二季夏之月無或差貸釋文差貸音二又他得反引之謹案呂氏春秋孟春紀季夏紀貸並作忒高誘注云忒差也正當音吐得反而徐又音二者忒通作貸又通作貳貳與二字形相似故貳字多有訛作貳者

毋失經紀以初爲常

注典六典法八法也經紀爲天文進退度數蔡氏月令章句云宿月

所在離月所厯金氏榜曰漢人不知歲差晉虞喜云宿月冬至日短星昴今二千七百餘年乃東壁中則知每歲漸差之所至言歲差者萌芽於此至唐一行乃分天自爲天歲自爲歲立法減歲餘益天周厯代遵用其說唯西法指此爲恒星東行曰歲差者以日星相校而差茲以中星校之堯典曰永星火以正仲夏夏小正五月初昏大火中春秋傳張趯言火中寒暑乃退爾詩亦曰七月初昏大火六月火中七月火乃西流是虞夏與周中星相較已差一月矣蓋日行黃道所躔宿度驗之分至歲有差移司天者旣隨時推北俾宿離不爽其度又申其戒令曰毋失經紀以初爲常是後世所謂歲差古人己不憚垂爲令甲以示戒且經文語意聯屬正義譌誤分釋謂以初爲常舊來恒須遵

奉常行顯與經意違反。○宿息六反。徐音秀。離依注音儷。呂計反。貨吐得反。

是月也。天子乃以元日祈穀於上帝。

注謂以上辛郊祭天也。春秋傳曰：夫郊祭天。

后稷以祈農事是故。

乃擇元辰。

注元辰蓋郊後吉亥也。盧注元善也。日甲至癸也。辰。

子至亥也。郊天陽也。故以日藉地陰也。故以辰郊。雖用日亦有辰。但日爲吉。主耕之用辰亦有日。但辰爲主。祭農月。

令章句云：日幹也。辰支也。有事於天。用日有事於地。用辰正。義陰陽式法。正月亥爲天倉。以其耕事故用天倉也。惠

氏棟曰：南齊志大學博士劉蔓議：盧植說亥者辰之末。故稱元辰。注曰：吉亥又據五行之說。木生於亥。以亥日祭先

農又其義也太常何譚之議：鄭注元辰蓋郊後吉亥也。亥水辰也。五行說十二辰爲六合。寅與亥合。建寅月東耕。取

月建與日辰合也。

天子親載耒耜措之于參保介之御間。

呂氏春秋于參

作參

帥三公九卿諸侯大夫躬耕帝藉。

注耒耜之上曲也。保介車右也。置耒

於車右與御者之間明已勸農非農者也人君之車必使
勇士衣甲居右而參乘備非常也休猶衣也介甲也帝藉
爲天神借民力所治之田也蔡氏章句天子藉田千畝以
供上帝之粢盛借人力以成其功故曰帝藉說文藉帝藉
千畝也古者使民如借故謂之藉从耒昔聲耒下耕曲木
也从木推耒古者垂作耒耜以振民也耜耒耜也以木爲
聲鉞或从金辨籀文从辟段氏玉裁曰今俗作耜耒文耜
置也正義郊特牲云郊不言祈穀此言祈穀不言郊喪七
年左傳郊而後耕此祈穀之後

天子三推三公五推卿諸

侯九推

盧注天子耕藉一發三推未周禮二耜爲耦一耦
之伐廣尺深尺伐發也天子之三公坐而論道參

五職事故三公以五爲數卿諸侯當究成天子之職事故
以九爲數伐皆三者禮以三爲文釋文推謂伐也正義案
國語王耕一發班三之賈逵注班次也謂公卿大夫也王
之下各三其上也不云士者士賤不與耕也故國語云庶
人終於千畝又周禮甸師是下士云帥其屬而耕藉王藉
鄭注庶人謂徒三百人王氏念孫曰三公五推本作公五

推凡月令言三公者皆與九卿對文上文天子親帥三公九卿諸侯大夫是也其言公者則與卿對文上文賞公卿諸侯大夫於朝是也賞公卿諸侯大夫不言三公九卿者蒙上而省也此文公五推卿諸侯九推不言三公九卿者亦是蒙上而省今作三公五推卽涉上文而誤

反執爵于大寢三公九卿諸侯大

夫皆御命曰勞酒

注既耕而宴飲以勞羣臣也大寢路寢御侍也正義案國語耕後宰夫陳饗膳

夫贊王王歆大半是耕後設饗而此云執爵于大寢故知燕也。耒力對反耜音似措七故反藉在亦反

是月也天氣下降地氣上騰天地和同草木萌動

注此陽氣蒸達

可耕之候也農書曰土長冒極陳根可拔耕者急發

王命布農事命田舍東郊皆修

封疆審端徑術

注田謂田畷主農之官也舍東郊順時氣而居以命其事也封疆田首之分職術周

禮作遂夫間有遂遂上有徑遂小溝也步道曰徑

善相邱陵阪險原隰土地所宜

五穀所殖以教道民必躬親之

注相視也

田事既飭先定準直

農乃不惑

注說所以命田舍東郊之意也準直謂封疆徑遂也夏小正曰農率均田正義陽氣從五月下

降至十一月從下初升至正月始成乾體而在三陰之下故云天氣下降其實於時陽從地中升也準謂輕重平均直謂繩墨得中也封疆有界限徑遂有闊狹皆先平均正直之○上時掌反疆居良反術依注音遂阪音反又蒲阪反險許檢反

是月也命樂正入學習舞

注爲仲春將釋菜高注呂氏春秋曰樂正樂官之長也入學官

教國子謂習羽籥之舞周禮大胥掌學士之版以六樂之會正舞位也

乃修祭典

注重祭禮歲始省錄也

命祀山林川澤犧牲毋用牝

注爲傷姓

生之類高注呂氏春秋曰典掌也功施於民則祀之山林川澤百物所生又能興雲雨以殖嘉苗故祀之無用牝尙

蠲潔也正義此春爲四時之首當修祀典若天地宗廟大祭之時雖非正月皆不用牝○牝類忍反

禁止伐木

注盛德所在高注呂氏春秋曰春木王尙長養也正義禁謂禁其欲伐止謂止其已伐王制云

草木零落然後入山林若國家隨時所須以爲材用者雖非冬月亦得取之故山虞有仲冬斬陽木仲夏斬陰木又云邦工入山林而掄材不禁是也

毋覆巢毋殺孩蟲胎夭飛鳥毋麇毋卵

注爲傷萌幼之類高注呂氏春秋曰

蕃庶物也糜子曰天鹿子曰麇正義胎謂在腹中未出天爲生而已出者飛鳥謂初飛之鳥麇卵四時皆禁若須薦獻亦得取之王制云非以卵庖人秋行積麇是也○麇音迷卵力管反

毋聚大衆毋置城郭

注爲妨農之始高注呂氏春秋曰置立也張氏處曰毋聚大衆不集大師

徒毋置城郭

不興大力役

掩骼埋胔

注謂死氣逆生也骨枯曰骼肉腐曰胔高注曰氏春秋曰掩羶者覆藏之也順木德而尚仁恩

也釋文蔡

云露骨曰骼有肉曰胔亦作胔正義蜡氏掌除訛司農云骨之尚有肉者也及禽獸之骨皆是○骼江

百反齒

才賜反

是月也不可以稱兵稱兵必天殃

注逆生氣

兵戎不起不可從

我始

注爲客不利主人則可高注呂氏春秋曰稱舉也殃咎也春當行仁非興兵征伐時也正義起兵伐人者

謂之客敵來禦捍者謂之主彼來伐我不得不應

毋變天之道

注以陰政犯陽

毋絕地之理

注易剛柔之宜

毋亂人之紀

注仁

之時而舉義事高注呂氏春秋曰變猶戾也絕猶斷也人反德爲亂紀道也胡邦衡曰天道若上司天日月星辰之

類地理土地所宜之類

人紀布農事之類

類人紀布農事之類

類人紀布農事之類

七

孟春行夏令則雨水不時

注已之氣乘之也四月於消息為乾呂氏春秋淮南時則訓並

作風雨不時王氏念孫曰雨水本作風雨正義曰風雨不時者謂風雨少不得應時則正文本作風雨不時明矣

草木蚤落

注生曰促

國時有恐

注以火訛相驚高注呂氏春秋曰春木也夏火也木德用事法

當寬仁而行火令火性炎上故使草木槁落不待秋冬故國人惶恐也

行秋令則其民大疫

注申之氣乘之

秋風暴雨總至

注正月宿直尾箕箕好風其氣逆也回風為秋爾雅

扶搖謂之秋詩疏引李巡云扶搖暴風從上升上

藜莠蓬蒿並興

注生氣亂惡物茂高注呂氏春

秋曰木仁金殺而行其令氣不和故民疫病也金生水與水相于故風雨數至荒穢滋生是以藜莠蓬蒿並興王氏

念孫曰廣雅興生也楚辭各興心而嫉名王逸注興生也月令並興謂並生也

行冬令則水潦為

敗雪霜大摯首種不入

注亥之氣乘之也舊說首種謂稷高注呂氏春秋曰春陽冬陰也而

行其令陰乘陽故水潦爲敗雪霜大孽傷害五穀春爲歲始稼穡應之不成熟也故曰首種不入正義當月施令若施之順時則氣序調釋若施令失所則災害滋興施令有失三才俱應雨水不時天也草木蚤落地也國時有恐人也爲害重者先言之爲害輕者後言之如春夏及秋施令有失氣來爲應惟在當年若冬時失令則氣應在後年故仲冬行秋令則天時雨汁瓜瓠不成行春令蝗蟲爲敗仲冬非瓜瓠不成之時又非蝗蟲爲敗之日是據來年程氏瑤田曰稷之粘者爲秬北方爲高粱通謂之秬又謂之蜀黍高大似蘆今以北方諸穀播種先後考之高粱最先管子書日至七十日陰凍釋而栽稷百日不栽稷日至七十日今之正月今南北皆以正月栽高粱是也○衆必遙反藜力兮反莠音酉潦音老

仲春之月日在奎昏弧中旦建星中

注仲中也仲春者日月會于降婁而斗建

卯之辰也弧在輿鬼南建星在斗上正義斗星隨天而轉一日一夜過轉一周而行一度故正月建寅二月建卯也

弧與建星非二十八宿而昏明舉之者由弧星近井建星近斗井有三十三度斗有二十六度其度既寬若舉井斗不知何日的至井斗之中故舉弧星建星也

其日甲乙其帝大暉其神句芒其蟲鱗其音角律中夾鍾

其數八其味酸其臭羶其祀戶祭先脾

注夾鍾者夷則之所生三分益一律

長七寸二千一百八十七分寸之千七十五仲春氣至則夾鍾之律應周語曰夾鍾出四隙之細高注時則訓曰萬物去陰夾陽聚地而生故曰夾鍾也蔡氏章句曰仲春中夾鍾管長七寸四分強律歷志言陰夾助大簇宣四方之氣而出種物也位於卯在二月

始雨水桃始華

呂覽淮南時訓並作桃李華

倉庚鳴鷹化爲鳩

注皆記時候也

倉庚驪黃也鳩搏穀也漢始以雨水爲二月節高注呂氏春秋曰爾雅曰商庚黎黃楚雀也齊人謂之搏黍秦人謂

之黃離幽莫謂之黃鳥詩云黃鳥于飛集于灌木是也方
言自關而西或謂之布穀郭注今江東呼爲獲穀正義言
之先後逐氣之早晚故周書時訓鶯蟄之日桃始華又五
日倉庚鳴又五日鷹化爲鳩釋鳥云鳴鳩鵲郭注今之
布穀也彼云布此云
搏者布搏聲相近

天子居青陽太廟乘鸞路駕倉龍載青旂衣青衣服倉玉

食麥與羊其器疏以達

注青陽大廟東堂當大室

是月也安萌芽養幼少存諸孤

注助生氣也高注呂氏春秋曰順春陽長養幼少存

惟孤寡萌芽諸當生者不擾動故曰安說文萌芽也萌
草芽也馬彥醇曰凡植物始茁爲萌浸長爲芽動物始生
爲幼未壯爲少植物欲無踐履故曰安動物欲無殄滅故
曰養諸孤天民之窮者欲無天絕故曰存○少詩照反
擇元日命民社
注社后土也使民祀焉神其農業也祀社
日用甲高注呂氏春秋曰元善也日從甲

至癸也社祭后土所以爲民祈穀也嫌日有從否重農事
故卜擇之正義句龍爲配社之人又爲后土之官也郊特
牲云祀社日用甲用日之始也召誥戊午乃社

于新邑用戊者周公告營洛邑位成非常祭也

命有司省圜圜去桎梏毋肆掠止獄訟

注順陽寬也省減也圜圜所以禁守

繫者若今別獄矣桎梏今械也在手曰桎在足曰梏肆謂
死刑暴尸也周禮曰肆之三日掠謂捶治人高注呂氏春
秋曰有司理官主獄者也圜圜法室省之者赦輕微也肆
極掠笞也止禁也說文獄確也从炆从言二犬所以守也
圜圜所以拘罪人釋名圜領也圜禦也領錄囚徒禁禦
之也倉頡篇掠問也謂撈捶治人也正義蔡云圜牢也圜
止也所以止出入皆罪人所舍也○省所景反

圜音零魚呂反桎音質梏古壽反掠音亮

是月也元鳥至至之日以大牢祠于高禘天子親往

注元鳥燕

也燕以施生時來巢人堂宇而孳乳嫁娶之象也媒氏之
官以爲候高辛氏之世元鳥遺卵城簡吞之而生契後王

以爲媒官嘉祥而立其祠焉。變媒言媒神之也。說文燕元鳥也。簡口布。獲枝尾象形。乙元鳥也。齊魯謂之乙。取其名自呼象形。乳人及鳥生子曰乳。从孚从乙。乙者元鳥也。明堂月令元鳥至之日祠于高禰。以請子故乳。从乙請子必以乙至之日者。乙春分來秋分去。開生之候。鳥帝少昊司分之官也。續漢書禮儀志引蔡邕章句云。高尊也。禰媒也。吉事先見之象也。蓋爲人所以祈子孫之祀。元鳥感陽而至。其來主爲字乳。蕃滋故重。其至日因以用事。契母簡狄蓋以元鳥至日有事高禰而生契焉。又引盧植注云。居明顯之處。故謂之高。因以求子。故謂之禰。正義蔡邕以爲禰神。高辛已前舊有高者尊也。謂尊高之禰。不由高辛氏而始。有高禰又生民及元鳥。毛傳云。姜嫄從帝而祠于郊禰。又云。簡狄從帝而祈于郊禰。則是姜嫄簡狄之前先有禰神矣。段氏玉裁曰。禰祭也。商頌傳曰。春分元鳥降湯之先祖有娥氏女簡狄配高辛氏帝。帝率與之祈于郊禰而生契。故本其爲天所命。以元鳥至而生焉。大雅傳曰。古者必立郊禰焉。元鳥至之日以大牢祠於郊禰。據此則禰神之祀不始於高辛明矣。王氏引之曰。鄭蔡盧三家之說皆非。

也高者郊之借字古聲高與郊同故借高爲郊高誘注呂氏春秋仲春紀曰周禮媒氏以仲春之月合男女因祭其神於郊謂之郊媒郊音與高相近故或言高媒此說是也大雅生民傳曰古者必立郊謀焉元鳥至之日以大牢祠于郊謀其文全出此篇字正作郊而鄭志焦喬答問乃強分郊謀高謀爲二非也 后妃帥九嬪御

乃禮天子所御帶以弓韞授以弓矢于高禘之前注御謂從往侍

祠周禮天子有夫人有九嬪有世婦有女御獨云帥九嬪舉中言也天子所御謂今有娠者於祠大祝酌酒飲於高禘之庭以神惠顯之也帶以弓韞授以弓矢求男之祥也王居明堂禮曰帶以弓韞禮之禘下其子必得天材高注呂氏春秋曰韞弓韞也示服猛得男祥也○禘音梅韞大木反

九月也日夜分雷乃發聲始電注又記時候發猶出也說文雷陰陽薄動雷雨生物

者也電陰陽激耀也 蟄蟲咸動時則訓作成動蘇 啟戶始出先雷三日奮木

鐸以令兆民曰

王氏引之曰舊本北堂書鈔政術部六畜

覽天部十三亦引作奮鐸呂氏春秋仲春紀作奮鐸以令

于兆民淮南時則訓作振鐸以令于兆民釋文但爲奮鐸

二字作音則本雷將發聲有不戒其容止者生子不備必

有凶災注主戒婦人有娠者也容止猶動靜高注呂氏春

升雷始發聲震氣爲雷激氣爲電鐸木鈴也金口木舌爲

木鐸金舌爲金鐸有不戒其容止者以雷電合房室者生

子必有瘖瘂通精狂癡之疾正義日夜分謂晝夜漏刻馬

融云晝有五十刻夜有五十刻據日出日入爲限蔡邕以

星見爲夜日入後三刻日出前三刻皆屬晝晝有五十六

刻夜有四十四刻鄭康成注尙書云中星鳥以爲日見

之漏五十五刻不見之漏四十五刻與蔡校一刻也雷是

陽氣聲將上與陰相衝蔡邕云季冬雷在地下則雉應而

鳴孟春動於地之上則蟄蟲應而振出至此升而動於天

之下其聲發揚也以雷出有漸故言乃電是陽光陽微則

光不見此月陽氣漸盛以擊於陰其光乃見故云始電戶
謂穴也蟄蟲早者孟春乃出左傳啟蟄而郊是也蟄蟲晚
者二月始出此云蟄蟲咸動庚蔚云先記時候以明應節
後言時候以應二分二至蔡云迅雷風烈孔子必變玉藻
云迅雷甚雨則必變雖夜必興衣服冠而坐所以畏天威
也小人不畏天威懈慢褻瀆或至夫婦交接君子制法不
可指斥言之故曰有不戒其容止者生子支節
性情必不備其父母必有灾也○電大練反

日夜分則同度量鈞衡石角斗甬正權概

注因晝夜等而平當平也同角

正皆謂平之也丈尺曰度斗斛曰量三十斤曰鈞稱上曰
衡百二十斤曰石甬今斛也稱鍾曰權概平斗斛者說文
概札斗斛杓平也倉頡篇平斗斛木曰概高注淮南曰鈞
等也吳幼清曰鈞亦謂鈞平之也非三十斤爲鈞之鈞同
鈞角正四字一義角如角力之角謂比較其大小也度長
短者五分寸尺丈引也量多寡者五龠合升斗斛也衡輕
重者五銖兩斤鈞石也衡之下但言石於五者
之中舉其至重者言也○甬音勇概古代反

是月也耕者少舍乃修闔扇

說文闔門扇也一曰闔也扇扉也扉戶扇也

寢廟

畢備

注舍猶止也因螽蟲啟戶耕者少閒而治門戶也用木曰闔用竹葦曰扇畢猶皆也凡廟前曰廟後曰寢

向注呂氏春秋曰少舍皆耕在野少有在都邑者尚書曰厥民析散布在野傳曰陰陽分震雷出滯土地不備墾辟

在司寇之謂闔扇門扇

毋作大事以妨農之事

注大事兵役之屬高

也寢以安身廟以事祖毋作大事以妨農之事

注呂氏春秋曰大事兵戈征伐也王氏念孫曰下句本作以妨農事衍一之字齊民要術一小雅大田正義後漢書注以此皆無之字呂氏春秋同淮南

作以妨農功亦無之字○闔戶臘反

是月也毋竭川澤毋漉陂池無焚山林

注順陽養物也畜水曰陂穿地通水

日池王氏念孫曰漉亦竭也故爾雅云盞涸竭也方言盞

涸也漉極也郭璞曰滲漉極盡也廣雅云渴滲漉涸盡也漉漏古同聲故滲漉或謂之滲漏淮南本經篇竭澤而漁

高誘曰竭澤漏池也卽所謂漉陂池也○漉音鹿陂彼宜

反

天子乃鮮羔開冰先薦寢廟

注鮮當爲獻音之誤也獻羔謂祭司寒也祭司寒而出冰

薦於宗廟乃後賦之春秋傳曰古者日在北陸而藏冰西陸朝覲而出之高注呂氏春秋曰開冰室取冰以治鑿以

祭廟春薦韭卵

○鮮依注音獻

上命樂正習舞釋菜

注樂正樂官之長也命習舞者順萬物始出地鼓舞也將舞必釋菜

於先師以禮之夏小正曰丁亥萬用入學

天子乃帥三公九卿諸侯大夫親往

視之

注順時達物也

仲丁又命樂正入學習樂

注爲季春將習合樂也習樂者習歌

與八音高注呂氏春秋曰是月上旬丁日命樂官正率卿大夫之子入學官習舞也周禮春入學舍采合舞秋頒學合聲以六樂之位正舞位樂謂六代之樂雲門咸池大韶大箎大夏大武也正義以春陽旣動萬物出地孟春習舞

仲春習舞及仲丁習樂并季春合樂皆在大學仲春釋菜
合舞季春大合樂皆天子親往餘則不也命樂師者以仲
春習舞習樂既命樂正此則稍輕故

惟命樂師其事既輕天子不親往

是月也祀不用犧牲用圭璧更皮幣

注爲季春將遷而合
騰之也更猶易也正

義蔡氏曰此祀不用犧牲者謂祈禱小祀也
若大祀則依常法上云以大牢祠高禘是也

仲春行秋令則其國大水寒氣總至

注酉之氣乘之也八
月宿直昴畢畢好雨

寇戎來征

注金氣動也
畢又爲邊兵

行冬令則陽氣不勝麥乃不孰

注子

之氣乘之也十
一月爲大陰

民多相掠

注陰姦
衆也

行夏令則國乃大旱煖

氣早來

注午之氣
乘之也

蟲螟爲害

注暑氣所生爲災害也高注
呂氏春秋曰仲春陽中也陽

氣長養而行秋金殺戮之令故寒氣復至寇害之來伐其
國也冬令肅殺而行其令陰氣乘陽陽氣不勝故麥不成

熟民飢窮故相劫掠也夏氣炎陽而行其令故大旱火氣熱故早燥也極陽生陰故蟲螟作害也蟲食穀心謂之螟說文螟食苗葉者吏冥冥犯法卽生螟○螟亾丁反

季春之月日在胃昏七星中旦牽牛中

注季少也季春者日月會於大梁而

斗建辰之辰

○胃音謂

其日甲乙其帝大暉其神句芒其蟲鱗其音角律中姑洗

其數八其味酸其臭羶其祀戶祭先脾

注姑洗者南呂之所生也三分益一

律長七寸九分寸之一季春氣至則姑洗之律應周語曰姑洗所以修絜百物考神納賓高誘淮南注曰姑故也洗新也是月陽氣養生去故就新故曰姑洗蔡邕月令章句曰季春中姑洗管長七寸一分強律歷志洗絜也言陽氣洗物羶絜之也位於辰

在三月○洗素典反

桐始華田鼠化爲鴛虹始見萍始生

注皆記時候也鴛母無蟠蝻謂之虹萍萍

也其大者曰積釋文鴛蔡云鶉鶉之屬虹蟠蝻也正義郭氏云雄者曰虹雌者曰蜺雄謂明盛者雌謂闇微者虹是陰陽交會之氣純陰純陽則虹不見若雲薄漏日日照雨滴則虹生萍郭云水中浮萍也江東謂之蓼皇氏云反歸舊形謂之化按易乾道變化謂雖有舊形忽改者謂之化及本無舊形非類而改亦謂之化○鴛音如萍步丁反

天子居青陽右个乘鸞路駕倉龍載青旂衣青衣服倉玉

食麥與羊其器疏以達

注青陽右个東堂南偏

是月也天子乃薦鞠衣于先帝

注爲將蠶求福祥之助也鞠衣黃桑之服先帝大擘

之屬正義鄭注內司服云鞠衣黃桑服也色如鞠塵象桑葉始生○鞠居六反

命舟牧覆舟五覆五反乃告舟備具于天子焉天子始乘

舟

注舟牧主舟之官也覆反舟者備傾漏也高注淮南曰

天子將乘舟而漁故反覆而視之恐有穿漏也五穀五

反慎之至也蔡氏章句云備謂概權權縛纜維引之具王氏

念孫曰焉字本在始乘舟之上後人不解焉始二字之義

遂移置于天子下呂氏春秋于天子下亦有焉字者又後

人依月令加之也下文天子焉始乘舟焉字獨不刪者則

以高注訓焉爲於故也淮南作乃告具於天子無焉字御

覽舟部一引月令亦無焉字且月令之文亦無以焉字絕

句薦鮪于寢廟注進時乃爲麥祈實注於含秀求其成也

者高注呂氏春秋曰鮪魚似鱸而小詩曰鱸鮪潑潑說文

鮪鮪也周禮春獻王鮪正義案爾雅釋魚云鮪鮪鮪郭景

純云似鱸而小建平人呼鮪子一本云王鮪似鱸口在頤

下音義云大者爲王鮪小者爲鮪鮪似鱸長鼻體無鱗甲

軌反

是月也生氣方盛陽氣發泄句者畢出苗者盡遠不可以

內注時可宣出不可收斂也句屈生者甚而直口朝高注呂氏春秋曰發泄猶布散也象陽達物亦當散出貨斯

不可賦斂以納之○

泄息列反句古侯反

天子布德行惠命有司發倉廩賜貧窮振乏絕開府庫出

幣帛周天下勉諸侯聘名士禮賢者

注振猶救也周謂給不足也勉猶勸也聘

問也名士不仕者發倉廩呂氏春秋作發倉窮高注曰方者曰倉穿地曰窮無財曰貧鰥寡孤獨曰窮行而無資曰乏居而無食曰絕府庫幣帛之藏也周賜勉進聘問之也有明德之士大賢之人聘而禮之將與興化致理者也正義蔡氏云穀藏曰倉米藏曰廩無財曰貧無親曰窮暫無曰乏不續曰絕皇氏云長無謂之貧窮暫無謂之乏絕蔡氏曰名士者謂其德行貞純道術通明王者不得臣而隱居不在位者也賢者名士之次亦隱者也名士優故加東帛賢者禮之而已方性夫曰發倉廩所以賜貧窮振乏絕開府庫所以出幣帛將以聘名士禮賢者故也周天下以

言聘名士禮賢者之廣勉
諸侯又欲諸侯之致力焉

是月也命司空曰時雨將降下水上騰循行國邑周視原

野修利隄防道達溝瀆開通道路毋有障塞

注廣平日原國也邑也平

野也溝瀆與道路皆不得不通所以除水潦便民事也古者溝上有路高注呂氏春秋曰司空主土官也是月下水上騰恐有浸瀆害傷五稼故使循行徧視之郊外曰野障壅塞絕也王氏懋竑曰開通道路當言水之道路其修利隄防所以束水使無泛溢道達溝瀆所以決水使無壅遏皆以開通水之道路若修治道路則不得云開通矣○上時掌反隄丁兮反防音房障之亮反

田獵置罟羅罟畢翳餽獸之藥毋出九門

注爲鳥獸方字乳傷之逆天時

也獸罟曰罟罟鳥罟曰羅罟小而柄長謂之畢翳射者所以自隱也凡諸罟及毒藥禁其出九門明其常有時不得

川耳今月令無罟罟爲弋說文畢田罔也正義案爾雅云
免罟謂之罟郭云罟猶遮也釋器云罟謂之罟字覆車也
孫炎云覆車是兩轆網既是兩轆可以網鳥亦可以網獸
廣雅云網謂之罟罟免罟也王氏引之曰鄭注天子九門
者路門也應門也雉門也庫門也臯門也城門也近郊門
也遠郊門也闕門也呂氏季春紀高注曰天子城門十二
東方三門生氣所在處尚生育明饑獸之藥所不得出也
雉等三方得出故戒之引之謹案路門以外臯門以內非
野獸所游之處其羅網本無所用亦何待禁乎且天子三
朝三門與諸侯同天子臯應路諸侯庫雉路今言天子門
而及雉門庫門非也况近郊遠郊亦不聞有門鄭說殊未
確高以爲城門近之矣而泥於考工記匠人之旁三門乃
於十二門中除東門三門而爲九亦非也今案月令季春
命國難九門磔攘季冬命有司大難旁磔鄭注曰旁磔於
四方之門四方之門卽九門也凡言旁者皆徧四方之謂
若缺一方則不可謂之旁四方而曰九門者蓋南方三門
東西北各二匠人夏后氏世室五室九階鄭注曰南面三
三面各二是其例也閔二年公羊傳高子將南陽之甲立

僖公而城魯或曰自鹿門至于爭門者是也何注曰鹿門
魯南城東門也僖二十年左傳正義魯城南面三門隱公
元年開一門故今南有四門定八年左傳公斂處父帥成
人自上東門入杜注曰魯東城之北門是城門固有南面
三三面各二者也此與考工記之旁三門絕不相同考工
記自爲十二門月令自爲九門不必強此以就彼也○置
子斜反眾音浮翳
於計反餒于僞反

是月也命野虞毋伐桑柘

注愛蠶食也野虞謂主田及山林之官

鳴鳩拂其

羽戴勝降于桑

注蠶將生之候也鳴鳩飛且翼相擊趨農急也戴勝織紵之鳥是時桓在桑言降者

若時始自天來重之也正義釋鳥云鳴鳩郭注鵲似山鵲而小青黑色短尾多聲孫炎云鵲一名鳴鳩月令云鳴鳩拂其羽是也索釋鳥云鳴鳩戴勝郭注鵲

植蓬筐

注時所以養蠶器也曲薄也植棧也高注呂氏春秋曰野虞主材官桑與柘皆所以養蠶故命其官

具曲

使禁民不得斫伐鳴鳩班鳩也是月拂擊其羽直刺上飛
數十丈乃復者是也戴勝爾雅曰鳴鳩部生於桑是月其
子羶飛從桑空中來下故曰戴鴛降于桑也曲薄也青徐
謂之曲員底曰箠方底曰筐皆受桑器也是月立夏蟄生
故較具也釋文選亦作管方曰筐圖曰宮正義案方言宋
魏陳江淮之間謂之曲或謂之鞠自關而西謂之薄故曰
曲薄方言注棧縣蠶薄柱也宋衛魏陳楚江淮之間謂之
植自關而西謂之棧齊謂之梓○柘之夜反植直吏反選
居呂反亦作
管筐邱狂反

后妃齊戒親東鄉躬桑禁婦女毋觀省婦使以勸蠶事登

事既登分繭稱絲效功以其郊廟之服毋有敢惰

注后妃親采桑

示帥先天下也東鄉者鄉時氣也是明其不常爾養蠶也
而養者所卜夫人與世婦婦謂世婦及諸臣之妻也內宰
職曰仲春詔后帥外內命婦始蠶于北郊女外內子女也
夏小正曰妾子始蠶執養官事毋觀去容飾也婦使縫線

組紉之事登成也。敕往蠶者蠶畢將課功以勸戒之高。注呂氏春秋曰王者親耕故后妃親桑也以爲天下先勸衆民也。方性夫曰蠶畢而登其數乃分繭使之繅稱絲使之織效其功之多少以供祭服。特言郊廟外祭莫重於郊內祭莫重於廟也。○鄉許亮反觀古喚反繭古典反。

是月也命工師令百工審五庫之量金鐵皮革筋角齒羽

箭幹脂膠丹漆毋或不良

注工師司空之屬官也五庫藏此諸物之舍也量謂物善惡之

舊法也幹器之木也凡輅幹有常用脂良善也蔡邕月令章句云五庫者一曰車庫二曰兵庫三曰祭器庫四曰樂器庫五曰宴器庫正義熊氏云各以類相從金鐵爲一庫皮革筋爲一庫角齒爲一庫羽箭幹爲一庫脂膠丹漆爲一庫百工咸理監工日號毋悖于時毋或作爲淫巧以蕩上心
注咸皆也於百工皆理治其事之時工師則監之日號令之戒之以此二事也悖猶逆也百工作器物各有時

逆之則不善時者若弓人春液角夏治筋秋合三材冬定體之屬也淫巧謂僞飾不如法也蕩之謂動之使生奢泰也今月令無于時作爲爲詐僞○量音亮幹古旦反監古銜反梓必丙反

是月之末擇吉日大合樂天子乃率三公九卿諸侯大夫

親往視之

注大合樂者所以助陽達物風化天下也其禮亾

是月也乃合累牛騰馬游牝于牧

注累騰皆乘匹之名是月所合牛馬謂繫在廄

者其牝欲游則就牧之牡而合之高注呂氏春秋曰累牛父牛也騰馬父馬也皆將羣游從牝於牧之野風合之服虔左氏解詁曰牝牡相誘謂之風王氏引之曰乃合累牛騰馬游牝于牧十字當作一句讀犧牲駒犢

舉書其數

注以在牧而校數書之明出時無他故至秋當錄內且以知生息之多少也說文馬二歲口駒

三歲曰駘犢牛子也○累力

追反騰大登反化毗忍反

命國難九門磔攘以畢春氣

注此難難陰氣也陰寒至此不止害將及人所以及人者

陰氣右行此月之中日行厯昴昴有大陵積尸之氣氣伏則厲鬼隨而出行命方相氏帥百隸索室毆疫以逐之又磔牲以攘於四方之神所以畢止其災也王居明堂禮曰季春出疫於郊以攘春氣高注呂氏春秋曰雊讀論語鄉人雊同命國人雊索宮中區隅幽闇之處擊鼓大呼驅逐不祥如今之正歲逐除是也釋文難驅疫鬼磔磔牲也○難乃多反

磔竹栢反

季春行冬令則寒氣時發草木皆肅

注丑之氣乘之也肅謂枝葉縮栗高注淮

南曰草木上

國有大恐

注以水訛相驚

行夏令則民多疾疫時雨

不降

注未之氣乘之也六月宿直鬼鬼爲天尸時又有暑也

山陵不收

注高者暎於熱也

行

秋令則天多沈陰淫雨蚤降

注戌之氣乘之也九月多陰淫霖也雨三日以上爲霖今

月令曰衆雨說

文靈小雨也

兵革並起

注陰氣勝也高注呂氏春秋曰行冬寒殺氣之令故寒氣早發

草木肅棘木不曲直也氣不和故國大惶恐也行夏炎陽之令火干木故民疾疫雨澤不降故山陵所殖不收入秋陰氣用事水之母也而行其令故多沉陰爲淫雨也陰爲兵器故並起

孟夏之月日在畢昏翼中旦婺女中

注孟夏者日月會於實沈而斗建巳之辰

其日丙丁

注丙之言炳也日之行夏南從赤道長育萬物月爲之佐時萬物皆炳然著見而強大又因以

爲日名焉易曰齊乎巽相見乎離說文丙位南方萬物成炳然陰氣初起陽氣將虧从一入口一者陽也丙承乙象

人肩丁夏時萬物皆丁其帝炎帝其神祝融注此赤精之實象形丁承丙象人心君火官之臣

自古以來著德立功者也炎帝大庭氏也祝融顓頊氏之子曰黎爲火官高注呂氏春秋曰丙丁火日也炎帝少典

之子姓姜氏以火德王天下是爲炎帝號曰神農死託祀於南方爲火德之帝祝融顓頊氏後老童之子吳回也爲

卷之四

卷之四

五

高辛氏火正死

其蟲羽

注象物從風鼓翼飛鳥之屬

其音徵

注三分宮去一以生

為火官之神

徵徵數五十四屬火者以其徵清事之象也夏氣和則徵

聲調樂記曰徵亂則哀其事勤高注呂氏春秋曰盛陽用

事鱗散而羽故曰其蟲羽羽蟲

律中中呂

注孟夏氣至則中呂之律應中

鳳為之長徵火也位在南方

呂者無射之所生三分益一律長六寸萬九千六百八十

三分寸之萬二千九百七十四周語曰中呂宣中氣高注

淮南曰是月陽散在外陰實在中所以旅陽成功故曰中

呂蔡邕月令章句曰孟夏中仲呂長六寸六分律歷志中

呂言微陰始起未成著於其中旅助

其數七

注火生數二成數七但言

姑洗宣氣齊物也位於巳在四月

其味苦其臭焦

注火之臭味也凡苦

正也从一微陰从中衰出也

焦者皆

其祀竈祭先肺

注夏陽氣盛熱於外祀之於竈從熱類也祀之先祭肺者賜位在上

肺亦在上肺為尊也竈在廟門外之東祀竈之禮先席於

門之與東面設主於竈墜乃制肺及心肝為俎奠於上西

設盛於俎南亦祭黍三祭肺心肝各一祭醴三亦既祭
徵之更陳鼎俎設饌于筵前迎尸如祀戶之禮白虎通曰
夏祭竈備者火之主人所以自養也夏亦火王長
養萬物○葵音務徵張里反後放此中呂音仲

蝮蝮鳴蚯蚓出王瓜生苦菜秀

注皆記時候也蝮蝮蛙也王瓜草蓀也今月令曰王

黃生夏小正云王萑秀未聞孰是高注呂氏春秋曰蚯蚓
從土中出釋文蝮蝮蛙也蛙卽蝦蟇也○蝮音樓蝮
古獲反蚓以忍反

天子居明堂左个乘朱路駕赤駟載赤旂衣朱衣服赤玉

食菽與雞其器高以粗

注明堂左个大寢南堂東偏也菽
實乎甲堅合屬水雞木畜時熟食

之亦以安性也粗猶大也器高大者象物盛長高注呂氏
春秋曰順火德也駟馬黑尾曰駟說文驪赤馬黑毛尾也
正義色淺曰赤色深曰朱鄭注儀禮云朱則四入與是朱
深於赤也說文未豆也玉篇菽豆名也○駟音留本又作

驢粗七
奴反

是月也以立夏先立夏三日大史謁之天子曰某日立夏

盛德在火天子乃齊立夏之日天子親帥三公九卿大夫

以迎夏於南郊還反行賞封諸侯慶賜遂行無不欣說

注祭

統曰古者於禘也發爵賜服順陽義也於嘗也出田邑發
秋政順陰義也今此行賞可也而封諸侯則違於古蔡邕
章句曰迎夏者迎炎帝祝融神也于南郊七里因火數也
玉用赤牲幣各放其色樂奏中宮歌朱明其他皆如孟春
也高注呂氏春秋曰還從南郊還也封侯命以茅土傳曰
賞以春夏刑以秋冬此之謂也白虎通曰封諸侯以夏何
陽氣盛養故封諸侯盛養賢也封立人君陽
德之盛者月令曰孟夏之月行賞封諸侯

乃命樂師習合禮樂

注為將飲耐高注呂氏春秋曰禮所
以經國家定社稷利人民樂所以移

風易俗蕩人之邪辟存人之

正性故命樂師使習合之

命大尉贊桀俊遂賢良舉長大注助長氣也贊猶出也桀俊能者也遂猶進也三王

之官有司馬無大尉秦官則有大尉今俗人皆云周公作

月令未通於古高注呂氏春秋曰命使贊白也才過十人

爲俊萬人爲傑遂達也有賢良長大之人皆當白達舉用

之故齊桓公命於子之鄉有孝於父母聰慧質仁秀出於

衆者則以告有不以告謂之蔽賢而罪之此之謂也正義

賢良謂有德行桀俊謂多材藝蔡氏辯名記曰十人曰選

倍選曰俊萬人曰傑尹文子及毛詩傳皆云行爵出祿必

萬人爲英舉長大王肅云舉形貌壯大者

當其位高注呂氏春秋曰當直也○當丁浪反

是月也繼長增高注謂草木盛蕃廡毋有壞墮注亦爲逆時氣毋起土功

毋發大衆注爲妨農之事毋伐大樹注亦爲逆時氣高注呂氏春秋曰象陽長養物也所

禮記訓纂 卷六

以順陽氣正義王者施化當繼續長養之道謂勸民長養
增益高大之物謂勸其種殖○壞音怪墮許規反又作墮
是月也天子始緝注初服暑服高注呂氏春秋
日緝細葛也○緝教其反

命野虞出行田原爲天子勞農勸民毋或失時

注重教之高注呂氏

春秋曰勞勉勸教使民不失其時

命司徒巡行縣鄙命農勉作毋休于都

注急趨於農也縣鄙鄉遂之屬主民者也王居明堂禮曰毋宿于國高注呂氏春秋曰縣二千五百家也鄙五百家也司徒主民故使循行說文都有先君之舊宗廟曰都周禮距國五百里爲都正義按地官遂人職云五家爲鄰五鄰爲里四里爲鄣五鄣爲鄙五鄙爲縣是遂之屬經直云遂舉遂以包鄉故鄭兼云鄉也

是月也驅獸毋害五穀毋大田獵

注爲傷蕃蕪之氣方性夫曰四時田夏日苗以

其爲苗除害故也若秋獮冬狩則爲大矣

農乃登麥天子乃以彘嘗麥先薦寢廟

注登進也麥之新氣尤盛以彘食之

散其熱也彘水畜高注呂氏春秋曰麥始熟故言嘗彘水畜夏所宜食也先寢廟孝之至說文麥芒穀秋種厚蕪故

謂之麥麥金也金玉而生火玉而死

是月也聚畜百藥

注蕃廡之時毒氣盛

靡草死麥秋至

蔡氏章句云百穀各以其

初生爲春熟爲秋

斷薄刑決小罪

注舊說云靡草薺草屬祭統曰草艾則墨

謂立秋後也刑無輕於墨者今以純陽之月斷刑決罪與毋有壞墮自相違似非

出輕繫注崇寬高注呂

氏春秋曰是月陽氣極藥草成故聚積之也陽氣盛於上及五月陰氣伏於下故斷薄刑決小罪順殺氣也輕繫不

及於刑者解出之○

蠶事畢

王氏念孫曰此本作蠶事既畢與季春之蠶事既登同一例各本皆脫既字上文正義曰蠶事既畢

不言是月者云云
則有既字甚明

后妃獻繭乃收繭稅以桑爲均貴賤長

幼如一以給郊廟之服

注后妃獻繭者內命婦獻繭於后妃收繭稅者收於外命婦外命婦

雖就公桑蠶室而蠶其夫亦常有祭服以助祭收以近郊之稅耳貴賤長幼如一國服同正義以桑爲均者言收稅以受桑多少爲賦之均齊桑多則賦多桑少則賦少貴謂公卿大夫之妻賤謂士之妻長幼謂婦老幼皇氏云外命婦既就公家之桑而養蠶則繭當悉輸於公惟稅其繭餘得自入者以其夫當有祭服以助王祭故令繭得自入以供造也胡邦衡曰經云后妃獻繭則獻於王矣祭義云世婦獻繭于君則夫人不可獻也此不云世婦獻繭於天子則后妃自獻無疑也案內宰職后妃帥外內命婦蠶則繭稅亦外內均何必外命婦

是月也天子飲酎用禮樂

注酎之言醇也謂重釀之酒也春酒至此始成與羣臣以禮樂

飲之於朝正尊卑也孟冬云大飲蒸此言用禮樂互其文高注呂氏春秋曰酎春酒也詩云爲此春酒以介眉壽說

文酌三重醇酒也明堂月令

曰天子飲酌○酌除柳反

孟夏行秋令則苦雨數來五穀不滋

注申之氣乘之也苦雨白露之類時物得

雨四鄙入保

注金氣爲害也鄙界上邑小城曰保高注呂氏春秋曰孟夏盛陽而行金氣殺戮之令水

生於金故苦雨殺穀不滋茂也四境之民畏寇賊來入城郭以自保守也

行冬令則草木蚤枯

注長日促後乃大水敗其城郭

注亥之氣乘之也高氏呂氏春秋曰行冬寒固閉之令故草木

早枯大水壞其城郭

行春令則蝗蟲爲災暴風來格

注寅之氣

乘之也必以蝗蟲爲災者寅有啟蟄之氣行於初暑則當

蓄者大出矣格至也王氏引之曰蝗蟲當作蟲蝗仲冬行春令亦然唐月令石本孟夏仲冬兩處皆作蟲秀草不實

蝗桓五年穀梁傳注引月令亦曰蟲蝗爲災注氣更生之不得成也高注呂氏春秋曰是月當繼長增

高助陽長養而行春啟蟄之令故有蟲蝗之敗春木氣多

風故暴疾之風應氣而至使當秀之
草不長茂。數所角反蝗字秝音黃

仲夏之月日在東井昏亢中旦危中

注仲夏者日月會於
鶉首兩斗建午之辰

也○亢

音剛

其日丙丁其帝炎帝其神祝融其蟲羽其音徵律中蕤賓

其數七其味苦其臭焦其祀竈祭先肺

注蕤賓者應鍾之
所生三分益一律

長六寸八十一分寸之二十六仲夏氣至則蕤賓之律應
周語曰蕤賓所以安靜神人獻酬交酢蔡邕月令章句曰
仲夏中蕤賓長六寸一分小二分陽氣上極陰始起故賓
敬之蕤下也高注淮南曰是月陰氣萎蕤在下象主人也
陽氣在上象賓客也故曰蕤賓律歷志曰蕤賓蕤繼也賓
導也言陽氣始導陰氣使繼養物也位於午在五月○蕤

人誰

反

小暑至螳螂生鶡始鳴反舌無聲

注皆記時候也螳螂蟬母也鶡博勞也反舌

百舌鳥高注呂氏春秋曰反舌伯舌也能變反其舌變反其聲效百鳥之鳴故謂之百舌正義案釋蟲云不蠲螳螂其子蟬蛸舍人云不蠲名螳螂今之螳螂也李巡云其子名蟬蛸則螳螂鄭志云潭魯以南謂之螳螂三河之域謂之螳螂燕趙之際謂之食旃齊杞以東謂之馬穀然名其子同云螳螂也詩云七月鳴鳶箋曰伯勞鳴將寒之候五月則鳴○螳音堂

蝦音郎鶡古闕反

天子居明堂大廟乘朱路駕赤駟載赤旂衣朱衣服赤玉

食菽與雞其器高以粗

注明堂大廟南堂當大室也

養壯佼

注助長氣也高注呂氏春秋曰慎陽施也王氏念孫曰呂氏春秋仲夏紀佼作狡高誘注曰壯狡多

力之士大戴禮千乘篇曰老疾用財壯狡用力廣雅曰狡健也壯狡猶言壯健作佼者假借字耳正義謂形容佼好

非也。佼

古卯反

是月也命樂師修鞀鞀鼓

宋書樂志曰小鼓有柄曰鞀大鞀謂之鞀均琴瑟管

簫

說文琴禁也神農所作洞越練朱五弦周加二弦象形瑟庖犧所作弦樂也管如篴六孔十二月之音物開地

牙故謂之管簫參差管樂象鳳之翼聶氏三禮圖曰簫舊

圖云雅簫長尺四寸二十四管郭璞爾雅注二十三管頌

簫一尺二十六管風俗通

執于戚戈羽調竿笙篴簧

云舜作竹簫以象鳳翼

三禮圖云

等管三十六簧也笙十三簧象鳳之身也笙正月之音物

生故謂之笙大者謂之巢小者謂之和古者隨作笙簧笙

中簧也古者女媧作簧笙舊圖云笙長四尺諸管參差亦

如鳥翼篴舊圖云雅篴長尺四寸圍三寸翹長一寸三分

圍自稱九孔頌篴尺

飭鐘磬祝啟

注爲將大雩帝習樂也修均執調飭者治其器

二寸廣雅云八孔

物習其事之言高注呂氏春秋曰師樂官之長也鞀鞀所
以節樂故修之琴瑟管簫所以宣音也故均平之管六孔

以箎簫今之歌竹簫也干楯成斧戈戟長六尺六寸羽以爲翻舞者執之以指麾也春夏干戚秋冬羽箭箎笙之大者古皆以瓠爲之箎三十六簧笙十七簧箎以竹大二寸長尺二寸七孔一孔上伏橫吹之聲音上和故言調鐘金磬石柷如漆桶中有木椎左右擊以節樂教木虎脊上有鉏鋸以杖樑之以止樂樂以和成故飭整之也郭注爾雅柷方二尺四寸深一尺八寸教背上有二十七鉏鋸正義韜字或從兆下鼓周禮小師注云鼗如鼓而小持其柄搖之旁耳還自擊劉熙釋名云韜導也所以導樂作鞞裊也裊助鼓節鼓廓也張皮以盲之其中空廓廣雅云琴長三尺六寸六分五弦郭景純云瑟長八尺一寸二十七絃管長尺圍寸併漆之有底鄭注周禮云管如筵而小併兩而吹之釋樂云大簫謂之言郭云編二十二管長尺四寸釋樂云大箎謂之沂郭云長尺四寸圍三寸一孔上出寸三分名翹橫吹之○韜大刀反本亦作鞞同鞞步西反箎音于箎音池本又作箎同鞞魚呂反本又作鞞

命有司爲民祈祀山川百源大雩帝用盛樂

說文雩夏祭樂於赤帝以

祈甘乃命百縣雩祀百辟卿士有益於民者以祈穀實

注

雨也氣盛而常旱山川百源能興雲雨者也衆水始所出爲百源必先祭其本乃雩雩吁嗟求雨之祭也自鞞鞞至祝敵皆作曰盛樂凡他雩用歌舞而已百辟卿士古者上公若句龍后稷之類也春秋傳曰龍見而雩雩之正當以四月凡周之秋三月之中而旱亦修雩禮以求雨因著正雩此月失之矣天子雩上帝諸侯以下雩上公周冬及春夏雖旱禮有禱無雩高注呂氏春秋曰名山大川泉源所出非一故言百爲民祈雨重之故用盛樂六代之樂也百辟畿內之百縣大夫雩祭之求福助祈穀實正義凡雩必先禱此經祈祀山川百源始大雩帝是也禱者不雩傳公二年冬十月三年春正月夏四月直爲禱祭以非雩月故不雩○爲于雩反雩音于辟必亦反

農乃登黍是月也天子乃以雛嘗黍羞以含桃先薦寢廟

注登進也此嘗雛也而云以嘗黍不以牲主穀也必以黍者黍火穀氣之主也含桃櫻桃也說文黍禾屬而黏者也

以大暑而種故謂之黍孔子曰黍可爲酒禾入水也高注
呂氏春秋曰含桃鸚鳥所含食故言含桃急就篇稻黍稷
稷粟麻稂顏師古注黍似稷而黏可以爲酒者也釋文雞
雞也說文雞雞子也正義月令諸月無薦果之文此獨差
含桃者以此果
先成故特記之

令民毋艾藍以染

注爲傷長氣也此月藍始可別夏小正曰五月啟灌藍蓼說文藍染青草也正

義別種藍之體初必叢生若及早栽移則
有所傷損此月藍既長大始可分移布散
毋燒灰

呂氏春秋秋灰作

炭高注爲草木
未成不欲天物

毋暴布

注不以陰功干大陽之事高注呂氏春秋曰是月炎氣盛猛暴布則

脆傷

門閭毋閉關市毋索

注順陽敷縱不難物高注呂氏春秋曰門城門閭里門也民順

陽氣布散在外人當出入故不閉也關要塞也市人聚也
無索不征稅正義蔡云門謂城門二十五家爲閭關市停
物之所商旅或隱藏其物以避征稅是月從長之時
故不搜索其物○藍力甘反暴步卜反索所白反

挺重囚益其食

注挺猶寬也高注呂氏春秋曰挺緩也正義益其食挺重囚連文皇氏以爲增益囚

之飲食義當然也○挺大頂反

游牝別羣

注孕妊之欲止也

則繫騰駒

注爲其壯氣有餘相蹄齧也

班馬政

注

政謂養馬之政教也庾人職云掌十有二閑之政教以阜馬佚特教駢攻駒此之謂也高注呂氏春秋曰是月牝馬懷妊已定故放之則別其羣不欲駒蹄踰趨其胎育故繫之也周禮五尺曰駒

是月也日長至陰陽爭死生分

注爭者陽方盛陰欲起也分猶半也高注呂氏春秋

曰是月陰氣始起於下盛陽蓋覆其上故曰爭也品物滋生齊麥亭歷棘刺之屬死故曰死生分分別也正義謂此月之時日長之至極大史漏刻夏至晝漏六十五刻夜漏三十五刻蔡云感陽氣長者生感陰氣成者死君子齊戒處必掩身毋躁止聲色毋或進

注掩猶隱翳也躁猶動也進猶見也聲

謂樂也正義蔡云方齊戒故止

薄滋味毋致和

高注呂氏春秋曰薄

猶損也和

節者欲定心氣

注微陰扶精不可散也

百官靜事毋刑

注今

月令刑

以定晏陰之所成

王氏念孫曰鄭以百官為百僚故謂刑為刑罰不知自君子齊

戒至以定晏陰之所成皆養身之事非指朝政也百官百體也刑呂氏春秋淮南子並作徑徑疾也速也此承上節者欲定心氣為義言非特節其耆欲定其心氣也推而至丁百體莫不安靜作事審慎精詳毋或徑疾以陰陽方爭不宜妄動也晏者陽也晏陰猶陰陽也呂氏春秋詭徒篇曰心若晏陰喜怒無處韓非子外儲說曰雨霽日出視之晏陰之間太元踰贊曰凍登赤天晏人黃泉范望注凍至寒也晏至熱也○者市志反晏伊見反

鹿角解蟬始鳴半夏生木堇榮

注又記時候也半夏葉草木堇王蒸也說文舜木堇

朝華暮落者段氏玉裁曰朝菌不知晦朔潘尼曰朝菌木堇也方性夫曰鹿好羣而相比則陽類也故夏至感陰生

而角解麋多欲而善迷則陰類也
故冬至感陽生而角解○董音謹

是月也毋用火南方

注陽氣盛又用火於其方害微陰也

可以居高明可以

遠眺望可以升山陵可以處臺榭

注順陽在上也高明謂樓觀也闡者謂之臺有

木者謂之榭高注呂氏春秋曰明顯也皆所以順揚宣明之正義釋宮云闡謂之臺李巡云積土爲之所以觀望又云無室曰榭李巡云但有大殿無室名曰榭郭云榭今之堂堦

仲夏行冬令則雹凍傷穀

注子之氣乘之也陽爲雨陰起脅之凝爲雹呂氏春秋作雹霰

初學記引洪範五行傳曰霰者陽脅陰也雹者陰脅陽也說文雹雨冰也

道路不通衆兵來至

注盜賊攻劫亦雹之類高注呂氏春秋曰冬寒冰凍故雹霰傷害五穀也冬陰閉藏多雹霰道路陷壞不通利也衆害之兵
橫來至行春令則五穀晚孰

注卯之氣乘之也生日長

百勝時起其國

乃饑

注騰蝗之屬言百者明衆類並爲害高注呂氏春秋曰行春木王生育之令故五穀晚熟也百騰動股之

屬時起爲害故五穀不時國饑也騰讀近殆兗州人謂蝗爲騰

行秋令則草木零落

注酉之氣

乘之也八月宿直

果實早成

注生日短

民殃於疫

注大陵之氣來爲害也高

昂畢爲天獄主殺

注呂氏春秋曰有覈曰果無覈曰蕪仲夏行秋成熟之令故草木零落果實早成熟非其時氣故民疾疫○苞步百

反騰音特

季夏之月日在柳昏火中旦奎中

注季夏者日月會於鶉火而斗建未之辰也

其日丙丁其帝炎帝其神祝融其蟲羽其音徵律中林鍾

其數七其味苦其臭焦其祀竈祭先肺

注林鍾者黃鍾之所生三分去一律

長六寸季夏氣至則林鍾之律應周語曰林鍾和展百物俾莫不任肅純恪高注呂氏春秋曰林大鍾聚也又林盛

也陽始衰而猶盛陰繼起長養萬物衆聚而成之律歷志
曰林鍾林君也陰氣受任助蕤賓君主種物使長大楹盛
也位於未月在六月蔡邕月令章句曰季夏中
林鍾長六寸九分萬物成熟衆多也林衆也

溫風始至蟋蟀居壁鷹乃學習腐草爲螢

注皆記時候也鷹學習謂搜搏

也夏小正曰六月鷹始擊螢飛蟲螢火也正義釋蟲云蟋
蟀螿也孫炎曰蜻蛚也梁國謂螿郭云今促織蔡以爲斯
螿非也腐草得暑濕之氣故爲螢不云化者蔡氏云鳩化
爲鷹還化爲鳩故稱化今腐草爲螢螢不復爲腐草故不
稱化案釋蟲云螢火卽炤李巡云螢火夜飛
腹下如火光故曰卽炤○蟋音悉蟀音率

天子居明堂右个乘朱路駕赤駟載赤旂衣朱衣服赤玉

食菽與雞其器高以粗

注明堂右个南堂西偏也

命漁師伐蛟取鼉登龜取鼃

注四者甲類秋乃堅成周禮曰秋獻鼃魚又曰凡取龜用

秋時是夏之秋也作月令者以爲此秋據周之時也周之八月夏之六月因書於此似誤也蛟言伐者以其有兵衛也龜言登者尊之也鼃言取羞物賤也鼃皮又可以首鼓今月令漁師爲榜人登龜呂氏春秋作升龜高注曰鼃鼃皆不害人易得故言取也蛟有鱗甲能害人難得故言伐也龜神可以決吉凶入宗廟尊之故曰升也說文蛟龍之屬也池魚滿三千六百蛟來爲之長能率魚飛置筍水中卽蛟去龜舊也外骨內肉者也龜頭與它頭同天地之性廣肩無雄龜鼃之類以它爲雄象足甲尾之形鼃大鼃也鼃木蟲似蜥易長大○鼃大多反

命澤人納材葦

注蒲葦之屬此時柔刃可取作器物也澤人呂氏春秋作虞人高注曰虞人掌山澤

之官材葦供國用也○葦于鬼反

是月也命四監大合百縣之秩芻以養犧牲令民無不咸

出其力

注四監主山林川澤之官百縣鄉遂之屬地有山林川澤者也秩常也百縣給國養犧牲之芻多少

有常民皆當
出力為艾之

以共皇天上帝名山大川四方之神以祠宗

廟社稷之靈以為民祈福

注牲以供祠神靈為民求福明使民艾芻是不虛取也馬彥醇

曰四郊各以監受其入也百縣則甸服之內所使納總銜桔服者也既卜而芻謂之牲將殺而告謂之犧令民咸出其力謂民力之普存也民神之主也故帝王先成民而後致力於神豈私福哉凡以為民也

是月也命婦官染采黼黻文章必以法故無或差貸

注婦官染

人也采五色說文染以糴染為色正義白與黑謂之黼黑與青謂之黻青與赤謂之文赤與白謂之章必以此月染之者以其盛暑濕染帛為宜此云黼黻文章下云黑黃蒼赤互相備也惠氏棟曰案貸依字當作資古忒字呂覽正忒黑黃倉赤莫不質良毋敢詐偽以給郊廟祭祀之服以

為旗章以別貴賤等給之度

注質正也良善也所用染者當得真采正善也旗章旌旗

及章識也正義旌旗者則司常九旗是也章識者則周禮
事名號故司常云官府象其事州里象其名家象其號鄉
注引士喪禮以緇廣三寸長半幅頰未長終幅詩織文鳥
章是也高注呂氏春秋曰貴有常尊賤有等威故曰度○
黼音甫黻音弗貸
音二又他得反

是月也樹木方盛乃命庖人入山行木毋有斬伐

注爲其未堅刃

也高注呂氏春秋曰庖人掌山林之官行察也禁民不得斬伐○行下孟反

不可以興土功不可以合諸侯不可以起兵動衆

注土將用事氣

欲靜毋舉大事以搖養氣

注大事謂興徭役以有爲釋詁搖動作也

毋發令而待

以妨神農之事也

注發令而待謂出徭役之令以豫驚民也民驚則心動是害土神之氣土神稱

曰神農者以其主於稼穡

正義蔡氏云神農則炎帝水潦盛昌神農將持功舉大事

則有天殃

注言土以受天雨澤安靜養物爲功動之則致害也高注呂氏春秋曰土功築臺穿池合諸侯

造盟會也舉動兵衆思致封疆也大事征伐也昔炎帝神農能殖嘉穀神而化之號曰神農後世因名其官爲神農

巡行堰故修治之功於此時

或舉大事妨害農事禁戒之

是月也土潤辱暑大雨時行燒薙行水利以殺草如以熱

湯注潤辱謂塗溼也薙謂迫地芟草也此謂欲稼萊地先

死不復生而地美可稼也薙人掌殺草職曰夏日至而薙

之又曰如欲其化也則以水火變之說文溽暑溼暑也段

氏玉裁曰潤溽雙聲字記言土塗溼而暑上蒸也正義六

月建未未值井井主水大雨應時行也蔡云行降也利益

也先芟後燒蓄水漬之卽草根爛死日隰水

於爛草田中水熱而沫沸如熱湯漬之也

可以糞田疇

廣雅糞饒也王氏念

孫曰糞之言肥饒也

可以美土疆注土潤辱膏澤易行也

糞美互文月土疆強際

之地正義糞壅苗之根也蔡云穀田曰田麻田曰疇言爛草可以糞田使肥也疆者磊磈難耕之地亦可止水漬之乃糞壅之使田美也。辱如字本又作溽音同雜他計反疆其丈反

季夏行春令則穀實鮮落國多風欬

注辰之氣乘之也未屬巽辰又在巽位二

氣相亂爲害王氏念孫曰鮮之言散也謂穀實散落也呂氏春秋季夏紀淮南時則訓並作穀實解落或據之改解

落蓋未

民乃遷徙

注象風轉移物也高注呂氏春秋曰春達古訓木王木性墮落陽發多雨而行其令故

穀實散落民病風欬上氣也

行秋令則邱隰水潦

注戌之氣乘之

也九月宿直奎奎爲溝瀆溝瀆與此月大雨并而高下皆水

禾稼不熟

注傷於水也說文禾嘉穀也二

月始生八月而孰得時之中故謂之禾禾木也木王而生金王而死禾之秀實爲稼莖節爲禾一日在野曰稼

多女災

注含任之類敗也高注呂氏春秋曰邱高隰下也言高下有水潦象金氣也故殺禾稼使不成熟也

金干火故多女災
女災生子不育也

行冬令則風寒不時

注丑之氣乘之也

鷹隼蚤

驚注得疾厲之氣也

四鄙入保

注象鳥雀之走竄也都邑之城曰保高注呂氏春秋曰冬陰閉固而

行其令故寒風不節也鷹隼早鷲象冬氣殺戮四界之民畏寇賊之來故入城郭自保守也○鮮音仙又仙典反歎

苦代反隼息
允反擊音至

中央土

注火休而盛德在土也正義四時五行同是天地所生而四時是氣五行是物五行分配四時木配

春火配夏金配秋水配冬土則每時輒寄王十八日也雖每分寄而位本未宜處於季夏之末金火之間故在此陳

之也

其日戊己

注戊之言茂也己之言起也日之行四時之間從黃道月爲之佐至此萬物皆枝葉茂盛其舍

秀者抑屈而起故因以爲日名焉說文戊中宮也象六甲五龍相拘絞也戊承丁象人脅己中宮也象萬物辟藏謂

形也已承

其帝黃帝其神后土

注此黃精之君土官之神自古以來著德立功者也

黃帝軒轅氏也后土亦顓頊氏之子曰黎兼為土官正義昭二十九年左傳云顓頊氏有子曰犁為祝融共工氏有子曰句龍為后土后土為土官知此經后土非句龍而為犁者以句龍初為后土後轉為社后土官闕犁則兼之高注呂氏春秋曰黃帝少典之子以土德王天下號軒轅氏死託祀為中央之帝后土官共工氏子句龍能平水土土死託祀為后土之神王氏懋竝曰左傳曰句龍為后土后土為社則是句龍一人而配兩祭非謂轉為社神也月令土既上是五上之神正與左其蟲倮注象物露見不隱藏虎豹傳文合鄭孔之說非也其蟲倮注象物露見不隱藏虎豹云倮蟲三百六十聖人為之長吳幼清曰倮人類也人類之貴於羽毛鱗介猶土之尊於木火金水也故以蟲之倮者配其音宮注聲始於宮宮數八十一屬土者以其最濁亂則荒其君驕高注呂氏春秋律中黃鍾之宮注黃鍾之宮最長也

曰宮土也

位在中央為音之主

律中黃鍾之宮

注黃鍾之宮最長也

十二律轉相生五聲具終於六十焉季夏之氣至則黃鍾之宮應禮運曰五聲六律十二管還相爲宮正義蔡氏及熊氏以爲黃鍾之宮謂黃鍾少宮也半黃鍾九寸之數管長四寸五分彬謂蔡氏熊氏是也黃鍾九寸謂最長獨律主十一月之氣不得復言於長夏之後漢書律歷志云俞其狀似爵其圓象規其重二鈞聲中黃鍾而反覆焉孟康曰反斛聲中黃鍾覆斛亦中黃鍾之宮宮爲君也臣瓚曰仰斛受一斛覆斛受一斗故曰反覆焉是黃鍾之宮不得同於黃鍾最長之律之證不別製律名而曰黃鍾之宮何也宮之言中也半也黃鍾之宮猶言黃鍾之中黃鍾之半云其數五注土生數五成數十但言五者土以生爲本爾其數五說文五五行也从二陰陽在天地間交午也其味甘其臭香注土之臭味也凡甘香者皆屬之馬彥醇曰土成形而可以稼穡稼穡作甘故其味甘物以土化則其氣爲香故其臭香土主四時而分王故五味以甘爲主五氣以香爲主其祀中雷祭先心注中雷猶中室也土主中央而神在室古者複穴是以名室爲齋云祀之先祭心者五藏之次心次肺至此心

爲尊也祀中霤之禮設主於牖下乃制心及肺肝爲俎其祭肉心肺肝各一他皆如祀戶之禮白虎通曰六月祭中霤中霤者象土在中央也六月亦土王也說文心人心土藏在身之中博士說以爲火藏正義開牖象中霤之取明則其地不當棟而在室之中央祭土神之義也郊特牲云家主中霤而國主社社神亦中霤神也古者窟居隨地而造若平地則不鑿但累土爲之謂之爲複若高地則鑿爲坎謂之爲穴故庾蔚云複謂地上累土謂之穴則穿地也複穴皆開其上取明故雨霤之是以後因

名室爲中霤也。○保力果反霤力又反。

天子居大廟大室乘大路駕黃駟載黃旂衣黃衣服黃玉食稷與牛其器圓以闕

注大廟大室中央室也大路殷路也車如殷路之制而飾之以黃稷

五穀之長牛土畜也器圓者象土周而於四時闕讀如絃絃謂中寬象土含物朱子曰論明堂之制非一竊意當有九室東之中爲青陽大廟東之南爲青陽右个東之北爲青陽左个南之中爲明堂大廟南之東卽東之南爲明堂

左个南之西卽西之南爲明堂右个西之中爲總章大廟
西之南卽南之西爲總章左个西之北卽北之西爲總章
右个北之中爲元堂大廟北之東卽東之北爲元堂右个
北之西卽西之北爲元堂左个中爲大廟大室凡四方之
大廟異方所其左右个則青陽之左个卽元堂之右个青
陽之右个卽明堂之左个明堂之右个卽總章之左个總
章之右个乃元堂之左个也但隨其時
之方位開門耳。○圖音于權反閎音宏

也 孟秋之月日在翼昏建星中旦畢中

注孟秋者日月會于
鶉尾而斗建申之辰

其日庚辛

注庚之言更也辛之言新也日之行秋西從白
道成孰萬物月爲之佐萬物皆肅然改更秀實

新成又因以爲日名焉說文庚位西方象秋時萬物庚庚
有實也庚承己象人齋辛秋時萬物成而孰金剛味辛辛
痛卽泣出从一从辛辛
阜也辛承庚象人股 其帝少嗥其神蓐收

注此白精之
君金官之臣

自古以來著德立功者也少皞金天氏尊收少皞氏之子

日該爲金官正義左傳昭元年云昔金天氏有裔子曰昧

爲元冥師生允格臺駘稱金天氏與少皞金位相當故少

皞則金天氏也左傳昭二十九年蔡墨云少皞氏之子該

又云該爲尊收是爲金神佐少皞於其蟲毛注象物應涼

秋尊收者言秋時萬物摧尊而收斂其蟲毛氣而備寒狐

貉之屬生其音商注三分徵益一以生商商數七十二屬

旃毛也其音商金者以其濁次宮臣之象也秋氣和則

商聲調樂記曰商律中夷則注孟秋氣至則夷則之律應

亂則破其官壞律中夷則夷則者大呂之所生也三分

去一律長五寸七百二十九分寸之四百五十一周語曰

夷則所以詠歌九則平民無貳蔡邕月令章句云孟秋中

夷則長五寸六分小二分夷傷也則法也萬物始傷故刑

法也高注呂氏春秋曰夷則陽律太陽氣衰太陰氣發萬

物肅然應法成性故曰夷則律歷志曰夷則則法也言其

陽正法度而使陰氣夷當傷之物也位於申在七月其

數九注金生數四成數九但言九者亦舉其成其味辛其

臭腥

注金之臭味也凡辛腥者皆屬焉

其祀門祭先肝

注秋陰氣出祀之於門外陰也祀之

先祭肝者秋爲陰中於藏直肝肝爲尊也祀門之禮北面設主於門左樞乃制肝及肺心爲俎奠于主南又設盛于俎東其他皆如祭竈之禮。尊音辱

涼風至白露降寒蟬鳴鷹乃祭鳥用始行戮

注皆記時候也寒蟬寒螿

謂蛻也鷹祭鳥者將食之示有先也既祭之後不必盡食若人君行刑戮之而已高注呂氏春秋曰涼風坤卦之風爲損降下寒蟬得寒氣鼓翼而鳴時候應也是月鷹擊殺鳥於大澤之中四面陳之世謂之祭鳥於是時乃始行戮刑罰順秋氣正義案釋蟲云蛻寒螿郭云寒螿也似蟬而小青赤

天子居總章左个乘戎路駕白駱載白旂衣白衣服白玉

食麻與犬其器廉以深

注總章左个大寢西堂南偏戎路兵車也制如周革路而飾之以白

白馬黑鬣曰駱麻實有文理屬金犬金畜也器廉以深象
金傷害物入藏高注呂氏春秋曰戎路白路廉利也象金
斷割深象陰閉藏說文白西方色也陰用事物
色白从入合二二陰數駱馬白色黑鬣尾也

是月也以立秋先立秋三日大史謁之天子曰某日立秋

盛德在金

說文金五色金也黃爲之長久蕪不生衣百鍊不輕從革不違西方之行生於土从土左右注

象金在土中形天子乃齊立秋之日天子親帥三公九卿諸侯大

夫以迎秋於西郊還反賞軍帥武人於朝

注迎秋者祭白帝於西郊之兆

也軍帥諸將也武人謂瓊人之屬有勇力者蔡邕章句云迎秋者禮少昊蓐收神也于西郊九里因金數也玉用白琥牲幣各放其色樂奏夷則歌白藏其他如孟夏之禮高注呂氏春秋曰金氣用事治兵討暴非率不整非武不齊故賞軍將與武人於朝與衆共之○帥色類反

天子乃命將帥選士厲兵簡練桀倭專任有功以征不義

詰誅彙慢以明好惡順彼遠方

注征之言正也伐也詰謂問其罪窮治之也順猶服

也呂氏春秋順作巡高注曰材遇萬人曰桀千人曰雋巡行也遠方天下也淮南注曰順循也彬謂高意以順爲巡說文詰問也誅討也廣雅誅詰責也方性夫曰才足以將物而勝之謂之將知足以率人而先之謂之帥士言其人兵言其器選士則人無不能於事厲兵則器無不利於用簡之則無所不擇練之則無所不熟既選厲簡練之矣苟非已試之效則勝負猶未可知故所任必在乎有功任有功矣苟置疑貳於其閒則知者必不盡其謀能者必不竭其力故任之欲其專也無以覆下之謂彘不能敬上之謂慢詰以問其罪誅以戮其人則好惡公而明矣

是月也命有司修法制繕囹圄

說文繕補也

具桎梏禁止姦慎

罪邪務搏執

注順秋氣政尙嚴

命理瞻傷察創視折

注理治獄官也有虞氏曰

士夏曰大理周曰大司寇創之漢者曰傷

審斷決獄訟必端平

注端猶正也淮南時則訓作平

獄戮有罪嚴斷刑天地始肅不可以贏

注肅嚴急之言也贏猶解也高注呂

氏春秋曰罔圉法室桎梏謂械在足曰桎在手曰梏埋獄官也爭罪曰獄爭財曰訟吳幼清纂言引蔡氏曰皮曰傷肉曰創骨曰折骨肉皆絕曰斷方性夫曰修則治其壞繕則善其事具則完其器姦存乎心故止之邪見乎行故罪之端言無偏頗之異平言無輕重之差秋者陰之始冬者陰之終故於孟秋言天地始肅陽道常饒饒則有餘而贏陰道常乏乏則不足而縮君人實輔相焉故曰不可贏李氏惇曰釋文審斷決下注曰一云斷絕句決字下屬謹案傷創折斷四者一層重一層上四句二下四句三字句截然整齊今讀審斷決爲句則與下嚴斷刑犯複獄訟上去決字則端平二字亦無所屬矣○繕市戰反搏音博創初良反

是月也農乃登穀天子嘗新先薦寢廟

注黍稷之屬於是始孰正義皇氏云

不云牲記
文略也

命百官始收斂

注順秋氣收斂物

完隄防

李巡云隄防也障也

謹壅塞以備

水潦

注備者備八月也八月宿直畢畢好雨

修宮室坏牆垣

釋名垣援也人所依阻以爲援

新也牆障也所以自障蔽也
一切經音義垣謂四周牆也

補城郭也
注象秋收斂物當藏也○隄本作提丁兮

反坏步回
反垣音袁

是月也毋以封諸侯立大官毋以割地行大使出大幣

注古

者於嘗出田邑此其月也而禁封諸侯割地失其義

孟秋行冬令則陰氣大勝

注亥之氣乘之也

介蟲敗穀

注介甲也甲蟲屬冬

敗穀者稻
辨之屬

戎兵乃來

注十月宿直營室營室之氣爲害也
營室主武士高注呂氏春秋曰冬水

王而行其令故陰氣大勝也介蟲龜屬冬元武故行春令介甲之蟲敗其殼也金水相并則戎兵來侵爲害

則其國乃旱

注寅之氣乘之也雲雨以風除也

陽氣復還五穀無實

注陽氣能

生而不能成高注呂氏春秋曰春陽亢燥而行其令故枯旱也是月涼風用事而行春煖之令而穀更生故害而不成實

行夏令則國多火災

注巳之氣乘之也

寒熱不節民多瘧疾

注瘧疾寒熱所爲也今月令瘧疾爲疾疫高注呂氏春秋曰夏火王而行其令故多火災金氣火氣寒熱相干不節使民病疾

仲秋之月日在角昏牽牛中旦觜觶中

注仲秋者日月會于壽星而斗建酉

之辰也○觜子斯反又子觶反觶戶圭反

其日庚辛其帝少暉其神蓐收其蟲毛其音商律中南呂

其數九其味辛其臭腥其祀門祭先肝

注南呂者大族之所生三分去一律

長五寸三分寸之一

仲秋氣至則南呂之律應周語曰南

呂者贊陽秀物蔡邕月令章句曰仲秋中南呂長四寸三分小三分南任也言陽氣尙有任也生華長也高注淮南

曰南任也言陽氣呂旅而去助陰任成萬物也律歷志南

呂曰南任也言陰氣旅助夷則

任成萬物也位於酉在八月

盲風至鴻鴈來元鳥歸羣鳥養羞

注皆記時候也盲風疾風也元鳥燕也歸謂去

螿也凡鳥隨陰陽者不以中國爲居蓋謂所食也月令章句曰秦人謂夢風爲盲風高注呂氏春秋曰是月候時之鴈從北漠中來南過周維之彭蠡元鳥燕也春分而來秋分而去吳幼清曰養羞猶詩言蓄租謂不食而儲蓄之以待冬寒無可取食之時

而食之也○盲區庚反

天子居總章大廟乘戎路駕白駱載白旂衣白衣服白玉

食糜與犬其器廉以深

注總章大廟西
堂當大室也

是月也養衰老授几杖行糜粥飲食

注助老氣也行爵賜也高注呂氏春秋曰

陰氣發老年衰故共養之授其几杖賦其飲食糜粥之禮
今之八月比戶賜高年鳩杖粉菜是也周禮大羅氏掌獻
鳩杖以養老又伊耆氏掌共老人之杖說文糜糝也饋糜
也周謂之饋宋衛謂之饗張子曰老人氣衰津液少不能
乾食故糜粥爲養老之具

○糜亾皮反粥之六反

乃命司服具飭衣裳文繡有恒制有小大度有長短

注此謂祭

服也文謂畫也祭服之制畫衣而繡裳王氏念孫曰長短
本作短長與裳量常爲韻唯宋撫本及岳本皆作短長呂
覽仲秋

衣服有量必循其故

注此謂朝燕及他服凡此謂
寒益至也詩云七月流火九

紀同

月授衣於是

冠帶有常

注因制衣服而作之也正義飭謂
正也衣服小大長短及制度采色

皆有度量必
因循故法也

乃命有司申嚴百刑斬殺必當毋或枉撓枉撓不當反受

其殃

注申重也當謂值其罪高注呂氏春秋曰凌弱爲枉違彊爲撓反還殃咎淮南注云枉曲也撓弱也言平

直也正義枉謂違法曲斷撓謂有理不申應重乃輕應輕更重是不當也方性夫曰孟秋旣命嚴斷刑至此又命之故曰申枉則在上者不直撓則在下者不申先王奉天如此而有司或枉撓焉是逆天也逆天則天災適當之也○當丁浪反撓女教反

是月也乃命宰祝循行犧牲視全具案芻豢瞻肥瘠察物

色必比類

時則訓作課比類

量小大視長短皆中度五者備當上

帝其饗

注於鳥獸肥充之時宜省羣牲也宰祝大宰大祝主祭祀之官也養牛羊曰芻犬豕曰豢五者謂所

視也所案也所瞻也所察也所量也此皆得其正則上帝
饗之上帝饗之而無神不饗也釋文芻草也黍養也以所
食得名正義王肅云純色曰犧體完曰全案食草曰芻食
穀曰黍瞻亦視也肥充也瘠瘦也物色騂黝之別也周禮
陽祀用騂陰祀用黝望祀各以其方之色也已行故事曰
比品物相隨曰類大皞配東亦用青是其類也大謂牛羊
豕成牲者小謂羔豚之屬長短謂天地之牛角滿栗宗廟
之牛角握之屬也上帝天也劉氏台拱曰全具一也肥瘠
二也物色三也小大四也長短五也○行下
孟反黍音患瞻音占瘠在亦反中丁仲反

天子乃難以達秋氣

注此難難陽氣也陽暑至此不衰害亦將及人所以及人者陽氣左行此

月宿直昴畢昴畢亦得大陵積尸之氣氣佚則厲鬼亦隨
而出行於是亦命方相氏帥百隸而難之王居明堂禮曰
仲秋九門磔攘以發陳氣禦止疾疫高注呂氏春秋曰
饑逐疫除不祥也通達秋氣使不壅閉○難乃多反

以犬嘗麻先薦寢廟

注麻始孰也高注呂氏春秋曰犬金畜也麻始熟故嘗之顏師古急就篇

注麻謂大麻及胡麻也趙氏良爵曰麻子可食者爲苴詩九月叔苴

是月也可以築城郭建都邑穿竇窖

說文竅窖也窖地藏也通俗文曰藏穀麥

曰窖王氏念孫曰窖呂氏春秋作窳窳聲相近古通用莊子齊物論縵者窳者密者司馬彪注云窖深也窳之言

麥麥修困倉注爲民將入物當藏也穿竇窖者入地陪曰深也賣方曰窖王居明堂禮曰仲秋命庶民畢入

于室曰時殺將至毋罹其災高注呂氏春秋曰國有先君宗廟曰都無曰邑穿水通竇不欲地泥溼也穿窳所以盛

穀也修治困倉仲秋大內設當入也圃曰困方曰倉說文困廩之圃者从禾在口中圃謂之困方謂之京倉倉穀藏

也倉黃取而藏之故謂之倉从食省口象倉形釋名倉藏也藏穀物也○賣音豆窖古孝反困邱倫反

乃命有司趣民收斂務畜菜多積聚

注始爲禦冬之備高注呂氏春秋曰畜菜

乾苴之屬也詩云亦有旨蓄以禦冬也方性夫曰孟秋命百官始收斂以其物初成至此則物既成而收斂不可緩

也故趣之焉。○趣
七住反本又作趨

乃勸種麥毋或失時其有失時行罪無疑

注麥者接絕續
乏之穀尤重之

高注呂氏春
秋曰罪罰也

是月也日夜分雷始收聲蟄蟲坏戶殺氣浸盛陽氣日衰

水始涸

注又記時候也雷始收聲在地中動內物也坏益
也蟄蟲益戶謂稍小之也涸竭也此南八月中雨

氣未止而云水竭非也周語曰辰角見而雨畢天根見而
水涸又曰雨畢而除道水涸而成梁辰角見九月本也大
根見九月末也王居明堂禮曰季秋除道致梁以利農也
高注呂氏春秋曰是月秋分等也晝漏五十刻夜漏五
十刻故曰日夜分也雷乃始收藏其聲不震也殺氣陰氣
涸絕唐石經始作乃王氏引之曰古人多以乃始二字連
文初學記及周官韞人疏引月令皆作雷乃始收是經文
始上有乃字而收下無聲字淮南時則訓同○坏音陪浸

子鳩反澗
戶各反

日夜分則同度量平權衡正鈞石角斗甬

高注呂氏春秋曰度丈尺量釜

鍾也權稱衡也三十斤爲鈞百

二十觔爲石斗甬皆量器也

是月也易關市來商旅納貨賄以便民事四方來集遠鄉

皆至則財不匱上無乏用百事乃遂

注易關市謂輕其稅使民利之商旅賈客

也匱亦乏也遂猶成也高注呂氏春秋曰易關市不征稅也故商旅來市賤鬻貴曰商旅者行商也貨賄財賂也以所有易所無民得其求故曰以便民事關市不征故遠鄉皆至上無乏用所求得也事非一故言百事正義輕其賦稅不爲節礙則商旅自來商旅既來則貨賄自入貨賄既多則庫財不匱所須皆供故國無乏用上下豐足故百事乃遂遂成也

○易以鼓反

凡舉大事毋逆天數

王氏引之曰大數當從呂氏春秋作天數

必順其時慎因

其類

注事謂興土功合諸侯舉兵衆也季夏禁之孟秋始征伐此月築城郭季秋教田獵是以於中爲之戒焉

高注

呂氏春秋曰天數天道其時天時因順其事類不干逆

仲秋行春令則秋雨不降

注卯之氣乘之也卯宿直房心心爲大火

草木生榮

注應陽動也

國乃有恐

注以火說相驚高注呂氏春秋曰天陽亢旱而行溫仁之令故雨不降尙生育

故草木榮華李梅之屬冬實也金木相干有兵象故曰民有大懼恐也

行夏令則其國乃旱

蟄蟲不藏五穀復生

注午之氣乘之也

行冬令則風災數起

注子

乘之也北風殺物

收雷先行

注先猶蚤也冬主閉藏

草木蚤死

注寒氣盛也高注呂氏春

秋曰夏氣盛陽故炎早使蟄伏之蟲不潛藏五穀復萌生也於洪範五行爲恒煥之徵冬寒嚴猛故風災數發收藏

豐已川

卷六

聖

之雷先動行未
當行故曰先也

季秋之月日在房昏虛中旦柳中

注季秋者日月會於大火而斗建戌之辰也

其日庚辛其帝少暉其神蓐收其蟲毛其音商律中無射

其數九其味辛其臭腥其祀門祭先肝

注無射者夾鍾之所生三分去一律

長四寸六千五百六十一分寸之六千五百二十四季秋氣至則無射之律應周語曰無射所以宣布喆人之令德示民軌儀蔡邕月令章句曰季秋中無射長四寸八分小三分射終也言萬物隨陽終也高注淮南曰陰氣上升陽氣下降萬物隨陽而藏無射出見也律歷志作巳射曰射厭也言陽氣究物而使陰氣畢剝落之終而復始巳厭已也位於戌在九月○射音亦

鴻雁來賓爵入大水爲蛤鞠有黃華豺乃祭獸戮禽

注皆記時

候也來賓言其客止未去也大水海也戮猶殺也高注呂氏春秋曰是月候時之雁去北方來南之彭蠡蓋以爲八月來者其父母也其子羽翼弱未能及之故於是月來過周雒也正義禽獸初得皆殺而祭之後得者殺而不祭也蔡氏章句曰菊草名也有者非所有也黃華者土氣之所成也季秋草木皆成非榮華之時也故言菊有明他無有也○蛤古苔反豺音柴戮音六

天子居總章右个乘戎路駕白駱載白旂衣白衣服白玉

食麻與犬其器廉以深

注總章右个西堂北偏

是月也申嚴號令命百官貴賤無不務內以會天地之祿

無有宣出

注申重內謂收斂入之也會猶聚也高注呂氏春秋曰會合也正義以物皆收斂時又閉藏無

得有宣露出散其物以逆時氣

乃命冢宰農事備收舉五穀之要

注備猶盡也定其租稅之簿

藏帝藉

之收於神倉祇敬必飭

注重黍盛之委也帝藉所耕千畝也藏祭祀之穀爲神倉祇亦敬也

蔡氏章句曰穀藏

曰倉米藏曰廩

是月也霜始降則百工休

注寒而膠漆之作不堅好也高注呂氏春秋曰秋分後十五日

寒露寒露後十五日霜降故曰始也

乃命有司曰寒氣總至民力不堪其皆入室

注總猶猥卒高注呂氏春

秋曰有司於周禮爲司徒司徒主衆故命之使民入室也

上丁命樂正入學習吹

注爲將饗帝也春夏重舞秋冬重吹也高注呂氏春秋曰是月上旬

丁日入學吹笙習禮樂周禮樂師掌教國子舞羽吹笙箏箏

是月也大饗帝嘗犧牲告備於天子

注言大饗者禘祭五帝也曲禮曰大饗不

問卜謂此也嘗者謂嘗羣神也天子親嘗帝使有司祭于羣神禮畢而吉焉正義四月大雩以祈穀實雩上帝之後

云雩祀百辟卿士是雩帝之外別雩羣神

九月大饗以報功明饗帝之外亦饗羣神

合諸侯制百縣

說文周制天子地方千里分爲百縣縣有四郡故春秋傳曰上大夫受縣下大夫受

郡是也至秦初置三十六郡以監其縣

爲來歲受朔日

王氏引之曰秦以十月爲歲首則當以孟

冬之月爲始今月令始於孟春者蓋孟冬爲當時歲首所
在而孟春則厯元所起厯家最重建元故託始於孟春之
月此用顓頊厯也太史公曰張蒼文學律厯爲漢名相而
絀賈生公孫臣等言正朔服色事而不遵明用秦之顓頊
厯何哉是顓頊厯歲首在十月也淮南王之死在元狩元
年其時太初厯未出故其書時則篇亦以孟春爲始而於
季秋云爲來歲受朔日以著歲首之在孟冬恐與諸侯所
學者不知其原而疑於一歲有二首故具論之

稅於民輕重之法貢職之數以遠近土地所宜爲度以給

郊廟之事無有所私

注秦以建亥之月爲歲首於是歲終使諸侯及鄉遂之官受此法焉合諸

侯制者定其國家宮室車旗衣服禮儀也諸侯言合制百縣言受朔日互文也貢職謂所入天子凡周之法以正月和之正歲而縣於象魏高注呂氏春秋曰百縣畿內之縣也五家爲鄰五鄰爲里四里爲攢五攢爲鄙五鄙爲縣縣者二千五百家也來歲明年也秦以十月爲正故於是月受明年曆日也由此言之月令爲秦制也諸侯所稅輕重職貢多少之數遠者貢輕近者貢重各有所宜郊祀天廟祀祖取共事而已無有所私多少不如法制也正義諸侯謂畿外國百縣謂鄉遂稅於民者是積貯本國貢職之數是輸納天子與者兼事之辭吳幼清以合諸侯爲句制百縣爲句

是月也天子乃教於田獵以習五戎班馬政

注教於田獵因田獵之禮

教民以戰法也五戎謂五兵弓矢及牙戈戟也馬政謂齊其色度其力使同乘也校人職曰凡軍事物馬而頒之說文獵放獵逐禽也馬彥醇曰仲夏命僕及七駟咸駕載旌班馬政以馬爲主此以御爲主

旒授車以級整設於屏外

注僕戎僕及御夫也七駟謂題馬主爲諸官駕說者也既駕之

又爲之載旌旗司馬職曰仲秋教治兵如振旅之陳辨旗物之用王載大常諸侯載旂軍吏載旗師都載旛鄉遂載物郊野載旒百官載旗是也級等次也整正列也設陳也屏所田之地門外之蔽呂氏春秋授車作輿受車高注曰僕於廟禮爲田僕掌御田輅衆當受田車者各以等級陳于屏外也天子外屏屏樹垣也正義前旣班馬政乃授此七戎之車以其尊卑等級正其行列設于軍門屏之外東西箱以爲行陳於是司徒在兩行之間北面誓之七駟者皇氏云天子馬有六種種別有駟則六駟也又有總主之人并六駟爲七方性夫曰以戎事言之則以革車爲正倅車爲副以田事言之則以木車爲正佐車爲副各有等焉故授之以級也掌次言師田則張幕故亦有屏王雖在野

亦有內外 司徒搢扑北面誓之

注誓衆以軍法也高注呂氏春秋曰搢插也扑所以

教也插置帶閒誓告其衆正義司徒職云施十有二教八

日以誓教恤則民不怠司馬職云遂以蒐田有司表貉誓

民鄭云誓曰無干車無自後射王氏念孫曰唐天子乃厲

月令及考文引古本足利本誓上皆有以字

飾執弓挾矢以獵注厲飾謂戎服尙威武也今月令獵爲射說文矢弓弩矢也从入象鏑括羽之

形古者夷牟初作矢正義熊氏云戎服者韋弁服也以秋

冬之田故韋弁服若春夏則冠弁服故司服凡甸冠弁服

命主祠祭禽于四方注以所獲禽祀四方之神也司馬職曰羅弊致禽以祀祊高注呂氏春秋

曰主祠掌祀之官也祭始設禽獸者於四方報其功也不

知其神所在故博求於四方○騶側求反旒音兆搢如字

扑普 下反

是月也草木黃落乃伐薪爲炭

注伐木必因殺氣高注呂氏春秋曰草木節解斧入

山林故伐木作炭說
文凡草曰零木曰落
蟄蟲咸俯在內皆墜其戶

注墜謂墜閉之辟殺

氣呂氏春秋作在穴高注成皆俯伏藏於穴墜閉其戶也
正義俯垂頭也前月但藏而坏戶至此既寒故垂頭嚮下
以隨陽氣陽氣稍沈在下也王氏念孫曰內當作穴下
言皆墜其戶戶卽穴之戶也○炭吐旦反墜其新反

乃趣獄刑毋畱有罪

注殺氣已至有罪者卽決也

收祿秩之不當供養

之不宐者

注祿秩之不當恩所增加也供養之不宐欲所貪者熊蹯之屬非常食正義祿秩不當謂不應

得祿而王恩私與之者共養不宐謂非常之膳求不可得者也○趣音促當丁浪反養餘亮反

是月也天子乃以犬嘗稻先薦寢廟

注稻始孰也蔡氏章句曰十月穫稻人君

嘗其先熟故在季秋九月熟者謂之半夏稻

季秋行夏令則其國大水冬藏殃敗民多飢噉

注未之氣乘之也六

月宿直東井氣多暑雨高注呂氏春秋曰秋金氣水之母也夏陽布施多淋雨二氣相并故大水也火氣熱故冬藏殃敗也火金相干故民飢窒鼻不通也飢

讀曰仇怨之仇釋文說文飢病寒鼻窒

行冬令則國多盜賊邊竟不寧土地分裂

注丑之氣乘之也極陰爲外邊竟之象也大寒之時地隆坼也

高注呂氏春秋曰冬令純陰姦謀所生之象故多盜賊行使邊境之人不寧也則土地見侵削爲鄰國所分裂

春令則煖風來至民氣解情師興不居

注辰之氣乘之也巽爲風辰宿直角角主兵不居象風行不休止也高注呂氏春秋曰春陽仁故煖風來至民解墮也木干金故師旅並興○飢音求喫

反丁計

孟冬之月日在尾昏危中旦七星中

注孟冬者日月會於析木之津而斗建亥

也之辰

其日壬癸

注壬之言任也癸之言揆也日之行冬北從黑道閉藏萬物月爲之佐時萬物懷任於下揆然

萌芽又因以爲日名焉說文壬位北方也陰極陽生故易曰龍戰于野戰者接也象人裹妊之形承亥壬以子生之叙也與巫同意壬承辛象人脛脛任體也癸冬時水土平可揆度也象水从四方流入地中之形癸承壬象人足

其帝顓頊其神元冥

注此黑精之君水官之臣自古以來著德立功者也顓頊高陽氏也元冥

少暉氏之子曰脩曰熙爲水官正義按五帝德云顓頊高陽氏姬姓也又帝王世紀云在位七十八年而崩以水承金也按昭二十九年左傳云少暉氏有子曰脩其蟲介注

曰熙又云脩及熙爲元冥是相代爲水官也

其音羽

注三分商去一以生羽羽數四十八屬水者以爲最清物之象也冬

甲也象物閉藏地中龜鼈之屬氣和則羽聲調樂記曰羽亂則危其財匱

律中應鍾

注孟冬氣至則應鍾之律應應鍾者姑洗之所生三

分去一律長四寸二十七分寸之二十周語曰應鍾均利器用俾應復祭邕月令章句曰孟冬中應鍾長四寸八分

言萬物應陽而動下藏高注呂氏春秋曰陰應於陽轉成其功萬物聚藏故曰應鍾律歷志曰應鍾言陰氣應也射該藏萬物而雜陽閏其數六注水生數一成數六但其種也位於亥在十月

鹹其臭朽

注水之臭味也凡鹹朽者皆屬焉氣若有若無爲朽說文鹹銜也北方味也其祀行

祭先腎

注冬陰盛寒於水祀之於行從辟除之類也祀之先祭腎者陰位在下腎亦在下腎爲尊也行在廟

門外之西爲轅壇厚二寸廣五尺輪四尺祀行之禮北面設主於轅上乃制腎及脾爲俎奠于主南又設盛于俎東祭肉腎一脾再其他皆如祀門之禮高注呂氏春秋曰行門內地也冬守在內故祀之行或作井冬水王故祀之也祭祀之內先進腎屬水自用其藏也白虎通作冬祭井井者水之主藏在地中冬亦水王萬物伏藏魏名臣奏曰秦靜云祭法七祀有國行今月令謂行爲井是以俗廢行而祀井高堂隆議云祭井自漢從水類不列五祠宐除井祀行說文井八家一井象構韓形、鑿之象也古者伯益作井。韻音專頭許玉反冥亾丁反朽許九反

水始冰地始凍雉入大水爲蜃虹藏不見

注皆記時候也大水淮也大蛤

日蜃高注呂氏春秋曰秋分後二十日霜降後十五日立冬傳曰雉入于淮爲蜃虹陰陽交氣也是月陰壯故藏不見方性夫曰水以陽釋冰以陰凝凍蓋地氣閉而陽不能熙故也馬彥醇曰雉火屬蜃水屬陽不勝陰而并與遷焉故化虹以陰干陽故見至是陽升陰降而弗通故藏○蜃常忍反

天子居元堂左个乘元路駕鐵驪載元旂衣黑衣服元玉

食黍與彘其器閔以奄

注元堂左个北堂西偏也鐵驪色如鐵黍秀舒散屬火寒時食之亦

以安性也彘水畜也器閔而奄象物閉藏也今月令曰乘軫路高注呂氏春秋曰鐵驪亦黑象北方也元黑順水色宏大奔深象冬閉藏也說文驪深黑色正義春云青旂青衣蒼玉青深而蒼淺旂與衣雖人功所爲不可淺深異色故同用青也夏云赤旂朱衣赤玉朱深而赤淺旂可用淺衣必用深冬云元旂黑衣元玉者黑深而元淺亦旂用淺

色衣用深色玉從自然之色故其色淺而用元玉也猶如
夏云赤玉春云蒼玉也劉氏台拱曰奄有覆蓋者○驪力
知反彘

直吏反

是月也以立冬先立冬三日大史謁之天子曰某日立冬
盛德在水天子乃齊立冬之日天子親帥三公九卿大夫

以迎冬於北郊還反賞死事恤孤寡

注死事謂以國事死
者若公叔馮人顏涿

聚者也孤寡其妻子也有以惠賜之大功加賞蔡氏章句
曰迎冬者禮顛頊元冥之神也于北郊六里因水數也玉
用元牲幣各放其色樂奏應鍾歌元英其他如立秋禮高
注呂氏春秋曰秋分四十六日而立冬故多在是月也先
人有死王事以安社稷者賞其子孫有孤寡者矜
恤之正義孤寡卽死事者妻子也財祿供給之也

是月也命大史釁龜筮占兆審卦吉凶

注筮著也占兆龜
之繇文也周禮龜

人上春釁龜謂建寅之月也秦以其歲首使大史釁龜筮與周異矣卦吉凶謂易也審省錄之而不釁筮筮短賤於兆也今月令曰釁祠高注呂氏春秋曰周禮大卜掌三兆之法一曰玉兆二曰瓦兆三曰原兆又掌三易之法一曰連山二曰歸藏三曰周易龜曰兆筮曰卦故命大僕禱祠龜策占兆審卦以知吉凶正義皇氏曰唯釁龜筮命大史唯占視兆書不釁邱氏曰周禮有釁龜無釁兆兆辭存於竹帛何容以血塗之○釁許靳反筮初格反

是察阿黨則罪無有掩蔽

注阿黨謂治獄吏以私恩曲撓相爲也高注呂氏春秋曰阿意

曲從取容於上以亂法度必察知之則行其罪罰無敢彊匿者

是月也天子始裘

注九月授衣至此可以加裘高注呂氏春秋曰始猶先也裘溫服優尊者故先

服之

命有司曰天氣上騰地氣下降天地不通閉塞而成冬

注使

有司助閉藏之氣門戶可閉閉之窗牖可塞塞之說文冬
四時盡也正義若以爻象言之七月三陽在上三陰在下
則天氣上騰地氣下降若氣應言之則從五月地氣上騰
至十月六陰俱升六陽并謝天體在上陽歸于虛無故云
上騰地氣六陰用事地體在下
下陰氣下連於地故云下降

命百官謹蓋藏

注謂府庫固
倉有藏物

命司徒循行積聚無有不斂

注謂芻禾
薪蒸之屬

坏城郭戒門閭修鍵閉慎管籥固封疆

注坏益
也鍵杜

閉北也管籥搏鍵器也固封疆謂使有司循其溝樹及其
衆庶之守法也今月令疆或爲璽臧氏琳曰呂覽淮南皆
作固封璽高注璽讀如移徙之徙璽印封也說文璽王者
之印也蔡邕獨斷曰璽者印也印者信也古者尊卑共之
月令曰固封璽王氏念孫曰昭元年穀梁傳疆之爲言猶
竟也既言固封疆又言備邊竟則復當作固封璽固封璽
以上五句皆邑中之事備邊
竟以下四句皆野外之事
備邊竟完要塞謹關梁塞後

徑

注要塞邊城要害處也梁橋橫也徯徑禽獸之道也高

注呂氏春秋曰要塞所以固國梁所以通塗塞絕徯徑

爲其敗田說文徑步道也通俗文邪道曰徯步道曰徑正

義城郭當須牢固故言坏門閭備擬非常故云戒鍵閉或

有破壞故云修管籥不可妄開故云審封疆理常險阻故

云固邊竟防擬盜賊故云備要塞理宜牢固故云完關梁

禁禦姦非故云謹徯徑細小狹路故須塞蔡氏月令章句

曰鍵關牡也所以止扉或謂之剡移說文關關下牡也段

氏玉裁曰關者橫物卽今之門攔關下牡者謂以直木上

貫關下插地是與關有牝牡之別關下牡謂之鍵亦謂之

籥籥卽關之假借後待也或从足段曰凡始行之以待後

行之徑曰蹊○鍵其輦反籥羊灼反疆居良反塞先代反

塞後上先則反下

音奚徑古定反

飭喪紀辨衣裳審棺槨之厚薄塋邱壟之大小高卑厚薄

之度貴賤之等級

注此亦閉藏之具順時飭正之也辨衣裳謂襲斂尊卑所用也時則訓作審棺

樽衣衾之厚薄呂氏春秋塋作營高注紀數也正二十五
月之服數衣裳棺樽尊者厚卑者薄各有等差故別之審
慎也營度也邱墳塋塚度其制度貴者高大賤者卑小故
曰等級也王氏引之曰營呂氏春秋孟冬紀淮南時則訓
作營大小唐月令考文引古本及白帖六十六呂氏春秋
淮南並作小大厚薄唐月令呂氏春秋白帖及惠校宋本
並作薄厚○塋
音營塋力勇反

是月也命工師效功陳祭器案度程毋或作為淫巧以蕩

上心必功致爲上

注霜降而百工休至此物皆成也工師
工官之長也效功錄見百工所作器物

也主於祭器祭器尊也度謂制大小也程謂器所容也淫
巧謂奢僞怪好也蕩謂搖動生其奢淫淮南時則訓作堅
致爲物勒工名以考其誠注勒刻也刻工姓名於其
器以察其信知其不功致功有

不當必行其罪以窮其情

注功不當者取材美而器不堅
也高注呂氏春秋曰程法也不

當不功致也故行其罪以窮斷其詐巧之情正義或有也
勿得有作過制之巧以搖動在上生奢侈之心不須靡麗
華侈必功力密致
爲上○當丁浪反

是月也大飲烝

注十月農功畢天子與其諸侯羣臣飲酒於大學以正齒位謂之大飲別之於他其

禮也今天子以燕禮郡國以鄉飲酒禮代之烝謂有牲體爲俎也黨正職曰國索鬼神而祭祀則以禮屬民而飲酒于序以正齒位亦謂此時也詩曰十月滌陽朋酒斯饗曰殺羔羊躋彼公堂稱彼兕觥受福無疆是頌大飲之詩正義按此大飲烝是天子之禮詩躋彼公堂是諸侯之禮毛傳云公堂學校也按國語曰王公立飲則有房烝此既大飲饗禮當用房烝半體之俎若黨正飲酒雖饗而用殺烝故宣六年左傳云王享有體薦宴有折俎公當享鄉當宴也

天子乃祈來年于天宗大割祠于公社及門閭臘先祖五

祀注此周禮所謂蜡祭也天宗謂日月星辰也大割大殺
羣牲割之也臘謂以田獵所得禽祭也五祀門戶中雷
竈行也或言祈年或言大割或言臘互文說文闕門也
周禮五家爲比五比爲閭閭侶也二十五家相羣侶也蔡
邕獨斷曰臘勞農以休息之注黨正屬民飲酒正齒位是
者歲終大祭也高注呂氏春秋曰禘求也
宗尊也公社國社后土也生爲上公死爲貴神先祠公社
乃及門閭先祖先公後私之義也是月農夫空閑故勞犒
休息之不役使也正義以上公配祭故云公社先祭社後
祭門閭故曰及臘臘也謂獵取禽獸以祭先祖五祀也此
總謂之蜡若別言之天宗公社門閭謂之蜡其祭則皮弁
素服葛帶榛杖其臘先祖五祀謂之息民之祭其服則黃
衣黃冠蔡邕云夏日清祀殷曰嘉平周日蜡秦曰臘
按左傳云虞不臘矣是周亦有臘名也○臘力合反

天子乃命將帥講武習射御角力

注爲仲冬將大閱簡習之亦因營室主武士也

凡田之禮也注最備高注呂氏春秋曰
射習也角力習也管子七法曰角量也

是月也乃命水虞漁師收水泉池澤之賦毋或敢侵削衆

庶兆民以爲天子取怨于下其有若此者行罪無赦

注因盛德

在水收其稅高注呂氏春秋曰天子曰兆民稅斂重則民怨故行其罪罰無赦貸也方性夫曰水虞卽周之澤虞也漁師卽周官之獻人也仲秋言行罪無疑失時之罪小故止於無疑取怨之罪大故曰無赦

孟冬行春令則凍閉不密地氣上泄

注寅之氣乘之也

民多流亾

注象蟄蟲動高注呂氏春秋曰春陽散越故凍不密地氣發泄使民流亾象陽布散

行夏令則國多

暴風方冬不寒蟄蟲復出

注巳之氣乘之也立夏巽用事巽爲風高注呂氏春秋曰冬法

當閉藏反行夏盛陽之令故多暴疾之風陽氣炎溫故盛冬不寒蟄伏之蟲復出也於洪範五行豫恒燠若之徵也

說文蟄藏也

行秋令則雪霜不時小兵時起土地侵削

注申之氣乘之

也申陰氣尙微申宿直參伐參伐爲兵高注呂氏春秋曰秋金氣干水不常霜而霜不當雪而雪故曰不時小兵數起鄰國來伐侵削土地於洪範五行急恒寒若之徵也○泄息列反

仲冬之月日在斗昏東辟中且軫中

注仲冬者日月會於星紀而斗建子之辰

也○辟必亦反

其日壬癸其帝顓頊其神元冥其蟲介其音羽律中黃鍾其數六其味鹹其臭朽其祀行祭先賢

注黃鍾者律之始也九寸仲冬氣至

則黃鍾之律應周語曰黃鍾所以宣養六氣九德蔡邕月令章句曰鍾以斤兩尺寸中所容受升合之數爲法律亦以寸分長短爲法故黃鍾之管長九寸孔徑三分圍九分其餘皆稍短爲大小圍數無增減以度量者可以文載口傳與衆共知然不如耳決之明也高注呂氏春秋曰陽氣乘於下陰氣盛於上萬物萌聚於黃泉之下故曰黃鍾也

律歷志云黃鍾黃者中之色君之服也鍾者種也陽氣旋
種於黃泉孽萌萬物爲六氣元也變動不居周流六虛始
於子在
十一月

冰益壯地始坼鶡旦不鳴虎始交

注皆記時候也鶡旦求旦之鳥也交猶合也高

注呂氏春秋曰立冬後三十日大雪節坼凍裂也鶡旦山鳥陽物也是月陰盛故不鳴也虎乃陽中之陰陰氣盛以類發也方言鶡鳴自關而西秦隴之內謂之鶡鳴○鶡戶割反

天子居元堂大廟乘元路駕鐵驪載元旂衣黑衣服元玉

食黍與彘其氣閑以奄

注元堂大廟北堂當大室

飭死事

注飭軍士戰必有死志

命有司曰土事毋作慎毋發蓋毋發室屋及起大眾以固

而閉地氣沮泄是謂發天地之房諸蟄則死民必疾疫又

隨以喪命之日暢月

注暢猶充也大陰用事尤重閉藏正義陰氣凝固陽須閉藏房是人大舍

之處於此之時天地亦擁蔽萬物不使宣露與房舍相似今地氣泄漏是開發天地之房也非但蟄死人疾國有大喪隨逐其後暢月言名此月爲充實之月當使萬物充實不發動故也皇氏云又隨以喪者謂逃亾人爲疾疫皆逃亾故云又隨以喪○暢敕亮反

是月也命奄尹申宮令審門閭謹房室必重閉省婦事毋

得淫雖有貴戚近習毋有不禁

注奄尹主領奄豎之官也於周則爲內宰掌治王之

內政宮令幾出入及開閉之屬重閉外內閉也省婦事所以靜陰類也淫謂女功奢僞怪好物也貴戚謂姑姊妹之屬近習天子所親幸者高注呂氏春秋曰闢宮官尹正也於周禮爲宮人淫則禁之尊卑一者也門閭蔡邕月令說

作門闕云奄尹者內官也主宮室出入宮門宮中之門曰闕奄尹之職也闕里門非奄尹所主。○重直龍反省所景反

乃命大酋秬稻必齊麴蘖必時湛熾必絜水泉必香陶器必良火齊必得兼用六物大酋監之毋有差貸

注酒孰曰酋大酋者

酒官之長也於周則爲酒人秬稻必齊謂孰成也湛漬也熾炊也火齊腥孰之調也物猶事也差貸謂失誤有善有惡也古者穫稻而漬米麴至春而爲酒詩云十月穫稻爲此春酒以介眉壽說文酋釋酒也从酉水半見於上禮有大酋掌酒官也高注呂氏春秋曰大酋主酒官於周禮爲酒正掌酒之政令以式法度授酒材陶器瓦器也說文蘖芽米也段氏玉裁曰按漬米漬麴是二事漬米卽大酋之蘖也此蘖不必有芽凡穀漬之則有芽故名漬米曰蘖正義六物者秬稻一麴蘖二湛熾三水泉四陶器五大齊六也物事也。○酋子由反秬音述蘖魚列反湛子廉反熾尺

志反齊才計
反監古銜反

天子命有司祈祀四海大川名源淵澤井泉

注順其德盛之時祭之也

今月令淵爲深講義曰四海者衆水之所聚大川名源若江源出於岷山河源出於崑崙淮自桐柏濟自沅水也淵澤者水之所鍾井泉汲取之無窮者也此月水歸於澤故命祀之

是月也農有不收藏積聚者馬牛畜獸有放佚者取之不

詰注此收斂尤急時人有取者不罪所以警懼其主也王居明堂禮曰孟冬之月命農畢積聚繫收牛馬高注呂氏春秋曰詰誅也注淮南曰詰呵問也方性夫曰孟冬既命謹蓋藏又命有司循行積聚至此猶不收藏積聚畜獸猶放佚是游惰之民不聽令者也不爲之詰亦宥矣山林藪澤有能取蔬食田獵禽

獸者野虞教道之其有相侵奪者罪之不赦

注務收斂野物也大澤曰

藪草木之實爲蔬食高注呂氏春秋曰無水曰藪有水曰澤明虞掌山澤之官故教導之也正義蔬謂菜蔬以其麋蔬故爲草木實也山林蔬食榛栗之屬藪澤菱芡之屬王逸涉江注叢木曰林韋昭周語注澤無水曰藪○語起吉反藪素

口反

是月也日短至陰陽爭諸生蕩君子齊戒處必掩身身欲

寧去聲色禁耆慾安形性事欲靜以待陰陽之所定

注爭者陰

方盛陽欲起也蕩謂物動將萌芽也寧安也聲謂樂也高注呂氏春秋曰冬至之日晝漏水上刻四十五夜水上刻五十五故曰日短至在牽牛一度也陰氣在上微陽動升故曰爭也諸熱伏當生者皆動搖也介深遠也寧靜也聲五聲也色五色也屏去之崇寂靜也陰陽方爭嗜慾成禁絕之所以安形性也定猶成也畢氏沅曰呂氏春秋作處必弁以其所居言之月令作處必掩身蓋與仲夏文相涉而誤

芸始生荔挺出蚯蚓結麋角解水泉動

注又記時候也芸香草也荔挺馬薺

也水泉動潤上行說文麋鹿屬冬至解其角荔草也似蒲而小根可作刷正義芸始生荔挺出者皇氏云以其俱香草故應陽氣而出蔡云結猶屈也蚯蚓在穴屈首下嚮陽氣動則宛而上首故結而屈也熊氏云鹿山獸夏至得陰氣而解角麋澤獸故冬至得陽氣而解角段氏玉裁曰鄭以荔挺爲草名蔡邕章句云荔似挺高注呂覽云荔草挺出則以挺下屬程氏瑤田曰荔今北方束其根以刮銅李時珍以馬帚之祥當之誤也王氏引之曰如高氏所說則荔草挺然而出也月令篇中凡言萍始生王瓜生半夏生芸始生草名二字者則但言生一字者則言始生以足之未有狀其生之貌者若經以荔爲草名則但言始出可矣何煩言挺據顧氏引通卦驗荔挺不出則以荔挺爲草名自西漢已然逸周書時訓篇亦曰荔挺不生卿士專權鄭注殆相承舊說非臆斷也○芸音云荔力計反挺大頂反麋匹悲反

解音薺

日短至則伐木取竹箭注此其堅成之極時高注呂氏春秋曰竹木調切又斧斤入山林之時也故伐取之

是月也可以罷官之無事去器之無用者注謂先時權所建作者也天地

閉藏而萬物休可以去之塗闕廷門闕築固圉此所以助天地之閉藏

也注順時氣也說文闕門觀也高注呂氏春秋曰闕門闕也於周禮爲象魏門闕皆塗塞使堅牢也吳幼清曰門

寢廟門闕二十五家巷口之門塗者畚土以填其地之四陷堦埴以塞其門之罅隙也

仲冬行夏令則其國乃旱注午之氣乘之也氛霧冥冥注雷露之氣散相亂

也段氏玉裁曰開元占經引月令作氛注震氣蒙冥冥今月令作氛霧霧乃霧之誤雷乃發聲注震氣動也午

屬震高注呂氏春秋曰夏火炎上故其國旱也注震氣清濁相干氛霧冥冥也夏氣發泄故雷動聲也行秋令則

天時雨汁瓜瓠不成

注酉之氣乘之也酉宿直昴畢好雨雨汁者水雪雜下也子宿直虛危

虛危內有瓜瓠

國有大兵

注兵亦金之氣高注呂氏春秋曰秋金水之母也冬節白露故雨汁也余用事

以干水故瓜瓠不成

行春令則蝗蟲爲敗

注當熱者出卯之氣乘之也

水泉咸竭

注大火爲旱

民多疥癩

注疥癩之病乎甲之象高注呂氏春秋曰春木氣木生蟲

故蟲螟爲敗陽氣亢燥故水泉咸竭也水木相干氣不和故民多疥癩也惠氏棟曰呂覽咸作滅春秋傳曰咸黜不

通。氣芳云反瓠戶故反疥音介

季冬之月日在婺女昏婁中旦氐中

注季冬者日月會於元枵而斗建丑之辰

也。婺無付反婁力侯反氐丁兮反又丁計反

其日壬癸其帝顓頊其神元冥其蟲介其音羽律中大呂

其數六其味鹹其臭朽其祀行祭先腎

注大呂者純實之所生也三分益一

律長八寸二百四十三分寸之百四季冬氣至則大呂之律應周語曰大呂助陽宣物蔡邕月令章句曰季冬中大呂長八寸呂距也言陽氣欲出陰不許也高注淮南曰呂旅也萬物萌動於黃泉朱能達見所以旅旅去陰卽陽助成其功故曰大呂律歷志云大呂呂旅也言陰大旅助黃鍾宣氣而牙物也位於丑在十二月

雁北鄉鵲始巢雉雞乳

注皆記時候也雉雞鳴也詩云雉之朝雉尙求其雌說文雉雄

雉鳴也雷始動雉鳴而向其頸高注呂氏春秋曰雁在彭蠡之澤是月皆北鄉將來至北漠也鵲陽鳥順陽而動始

爲巢也乳卵也淮南時則訓作鵲加巢○鄉音向雉苦豆反

天子居元堂右个乘元路駕鐵驪載元旂衣黑衣服元玉

食黍與菘其器閔以奄

注元堂右个北堂東偏

命有司大難旁磔出土牛以送寒氣

注此難難陰氣也難陰始於此者陰氣右

行此月之中口歷虛危虛危有墳墓四司之氣爲厲鬼將隨強陰出害人也旁磔於四方之門磔攘也出猶作也作土牛者丑爲牛牛可牽止也送猶畢也高注呂氏春秋曰大難逐盡陰氣爲陽導也今人臘歲前一日擊鼓驅疫謂之逐除是也旁磔犬羊於四方以攘其畢冬之氣也出土牛今之鄉縣立春節出勸耕土牛於東門外是也廣雅旁廣也正義熊氏引石氏星經云司命二星在虛北司祿二星在司命北司危二星在司祿北司中二星在司危北史遷云四司鬼官之長又云墳四星在危東南是危虛有墳墓四司之氣也○難乃多反磔竹百反

征鳥厲疾

注殺氣當極也征鳥題肩也齊人謂之擊征或名曰鷹仲春化爲鳩正義征鳥謂鷹隼之屬厲

嚴猛疾捷速也時殺氣盛極故鷹隼之屬取鳥捷疾嚴猛也

乃畢山川之祀及帝之大臣天之神祇

注四時之功成於冬孟月祭其宗至

此可以祭其佐也帝之大臣句芒之屬天之神祇司中司命風師雨師高注呂氏春秋曰帝之大臣功施於民若禹稷之屬天曰神地曰祇是月歲終報功載祀典諸神畢祀之也○祇音祈

是月也命漁師始漁天子親往乃嘗魚先薦寢廟

注天子必親往

視漁明漁非常事重之也此時魚繁美正義四時薦新是常事魚非常祭之物故重之馬彥醇曰宗廟之牲親獵則漁必親往不亦宜乎

冰方盛水澤腹堅命取冰

注腹厚也此月日在北陸冰堅厚之時也北陸謂虛也今月令

無堅腹呂氏春秋作復高注復亦盛也復或作復凍重累也釋文腹本又作復冰以入令告民出

五種

注冰既入而令田官告民出五種明大寒氣過農事將起也吳幼清曰五種五穀之種稷黍粱稻菽也

命農計耦耕事修耒耜具田器

注耜者耒之金也廣五寸田器鉞鎡之屬正義耒耜者

以木爲之長六尺六寸底長尺有一寸中央直者三尺有三寸句者二尺有二寸底謂未下嚮前曲接耜者耜金鐵爲之高注呂氏春秋曰入凌室也詩云二之日鑿冰沖沖三之日納于凌陰此之謂也出之于窳簡擇之也計會也耦合也○
種章勇反

命樂師大合吹而罷

注歲將終與族人大飲作樂於大寢以綴恩也言罷者此用禮樂於族人

最盛後年若時乃復然也凡用樂必有禮用禮則有不用樂者王居明堂禮季冬命國爲酒以合三族君子說小人樂○吹昌睡

反罷如字

乃命四監收秭薪柴以共郊廟及百祀之薪燎

注四監主山林川澤

之官也大者可析謂之薪小者合束謂之柴薪施炊爨柴以給燎春秋傳曰其父析薪高注呂氏春秋曰燎者積聚柴薪置壁與牲於上而燎之升其煙氣故曰以

供寢廟及百祀之薪燎也○共音恭燎力召反

是月也日窮于次月窮于紀星回于天數將幾終歲且更

始注言日月星辰運行于此月皆周市于故處也次舍也紀會也高注呂氏春秋曰次宿也是月日周于牽牛故

日日窮于次月遇日相合爲紀月終紀光盡而復生日朔

故日月窮于紀日有常行行於中道五星隨之故曰星迴

于天也一說十二次窮于牽牛故曰窮于次也紀道也月

窮于故宿故曰窮于紀星迴于天謂二十八宿更見於南

方是月迴于牽牛故曰星迴于天也夏以十三月爲正夏

數得天言天時者皆從夏正也故於是月十二月之數近

終歲將更始於正月也正義曰窮于次者謂去年季冬日

次于元枵每月移次他辰至此月窮盡還次元枵月窮于

紀者去年季冬日與日相會于元枵至此月窮盡還復會

于元枵星回于天者二十八宿隨天而行每日周天一而

早晚不同至於此月復其故處幾近也以去年季冬至今

年季冬三百五十四日未滿三百六十五日未得正終故

云數將幾終幾說文儂精

專而農民毋有所使

注而猶女

女農氏之心令之豫有志於耕稼之事不可徭
役徭役之則志散失業也○幾音祈又音機

天子乃與公卿大夫共飭國典論時令以待來歲之宐

注飭

國典者和六典之法也周禮以正月爲之建寅而縣之今
用此月則所因於夏殷也王氏念孫曰案爾雅宐事也來
歲之事必依國典順時令而行之故歲終則飭國典論時
令以待來歲之事也淮南本經篇云包裏風俗斟酌萬殊
旁薄衆宐衆宐謂衆事也吳幼清
以來歲之宐專屬時令言之非也

乃命大史次諸侯之列賦之犧牲以共皇天上帝社稷之

饗注此所與諸侯共者也列國有大小也賦之犧牲大者

出多小者出少饗獻也正義諸侯同王南而專王故命
之出牲以與王共事天地也諸侯自有社稷而乃命同姓
始封亦割王社土與之故賦牲共王社稷也

之邦共寢廟之芻豢

注此所以與同姓共也芻豢猶犧牲正義宗廟備六牲故云芻豢也
命

宰歷卿大夫至于庶民土田之數而賦犧牲以共山林名

川之祀

注此所與卿大夫庶民共者也歷猶次也卿大夫采地亦有大小其非采地以其邑之民多少賦之

正義卿大夫出其采地賦稅無采地出其邑之賦稅庶人無邑出其賦稅以與邑宰邑宰以共上不云士者上舉卿大夫下舉庶民則凡在天下九州之民者無不咸獻其力士在其中省文耳

以共皇天上帝社稷寢廟山林名川之祀

注民非神之福不生雖有其邦

國采地此賦要由民出高注呂氏春秋曰咸皆也獻致也

季冬行秋令則白露蚤降介蟲爲妖

注戌之氣乘之也九月初尚有白露月中

乃爲霜丑爲鼈解時則訓妖作祲

四鄙入保

注畏兵辟寒象高注呂氏春秋曰金氣曰故白露蚤降金

爲兵革故四境之民入城郭以自保守也

行春令則胎夭多傷

注辰之氣乘之也天少長也此

月物甫萌芽季春乃句者畢出萌者盡國多固疾命之日

達胎天多傷者生氣早至不充其性

國多固疾命之日

逆

注生不充性有久疾也衆害莫大於此高注呂氏春秋

逆日季冬大寒而行春溫仁之令氣不和調故胎養天傷

國多逆氣之

由故命口逆行夏令則水潦敗國時雪不降冰凍消釋

注未

之氣乘之也季夏大雨時行高注呂氏春秋日火氣炎陽

又多淋雨故水潦敗國也時雪當降而不降冰凍不當消

釋而消釋火氣

溫干時之徵也

禮記訓纂卷六終